

नमो नमो निम्मलदंसणस्स
पूज्य आनंद-क्षमा-ललित-सुशील-सुधर्मसागर गुरुभ्यो नमः

On Line – आगममंजूषा

[८] अंतगडदसाओ

* संकलन एवं प्रस्तुतकर्ता *

मुनि दीपरत्नसागर [M.Com., M.Ed., Ph.D.]

॥ किञ्चित् प्रास्ताविकम् ॥

ये आगम-मंजूषा का संपादन आजसे ७० वर्ष पूर्व अर्थात् वीर संवत् २४६८, विक्रम संवत्-१९९८, ई.स.1942 के दौरान हुआ था, जिनका संपादन पूज्य आगमोद्धारक आचार्यश्री [आनंदसागरसूरिजी](#) म.सा.ने किया था। आज तक उन्ही के प्रस्थापित-मार्ग की रोशनी में सब अपनी-अपनी दिशाएँ ढूँढते आगे बढ़ रहे हैं।

हम ७० साल के बाद आज ई.स.-2012, विक्रम संवत्-२०६८, वीर संवत्-२५३८ में वो ही आगम-मंजूषा को कुछ उपयोगी परिवर्तनों के साथ इंटरनेट के माध्यम से सर्वथा सर्वप्रथम “**OnLine-आगममंजूषा**” नाम से प्रस्तुत कर रहे हैं।


* मूल आगम-मंजूषा के संपादन की किञ्चित् भिन्नता का स्वीकार *

- [१] आवश्यक सूत्र-(आगम-४०) में केवल मूल सूत्र नहीं है, मूल सूत्रों के साथ निर्युक्ति भी सामिल की गई है।
[२] जीतकल्प सूत्र-(आगम-३८) में भी केवल मूल सूत्र नहीं है, मूलसूत्रों के साथ भाष्य भी सामिल किया है।
[३] जीतकल्प सूत्र-(आगम-३८) का वैकल्पिक सूत्र जो “पंचकल्प” है, उनके भाष्य को यहाँ सामिल किया गया है।

[४] “ओघनिर्युक्ति”-(आगम-४१) के वैकल्पिक आगम “पिंडनिर्युक्ति” को यहाँ समाविष्ट तो किया है, लेकिन उनका मुद्रण-स्थान बदल गया है।

[५] “कल्प(बारसा)सूत्र” को भी मूल आगममंजूषा में सामिल किया गया है।

-मुनि दीपरत्नसागर

: Address:- Mnui Deepratnasagar, MangalDeep society, Opp.DholeswarMandir, POST:- THANGADH Dist.surendranagar. Mobile:-9825967397 jainmunideepratnasagar@gmail.com	मुनि दीपरत्नसागर  <small>जैनमुनिश्री दीपरत्नसागर</small>
---	--

श्रीमदन्तकृद्दशाङ्गम्- तेणं कालेणं० चंपानामं नगरी पुन्नभदे चेति ए वन्नओ, तेणं कालेणं० अज्जसुहम्मस्स समोसरिए परिसा निग्गया जाव पडिगया, तेणं का० अज्जसुहम्मस्स अंतगडदसाणं० के अट्टे पं०?, एवं खलु जंबू! समणेणं जाव संपत्तेणं सत्तमस्स अंगस्स उवासगदसाणं अयमट्टे पं० अट्टमस्स णं भंते! अंतगडदसाणं अट्ट वग्गा पं० पढमस्स णं भंते! वग्गस्स अंतगडदसाणं समणेणं जाव संपत्तेणं कइ अज्झयणा पं०?, एवं खलु जंबू! समणेणं० अट्टमस्स अंगस्स अंतगडदसाणं पढ- मस्स वग्गस्स दस अज्झयणा पं० तं०- 'गोयम समुद्द सागर गंभीरे चेव होइ थिमिते य। अयले कंपिल्ले खलु अक्खोभ पसेणती विण्हू ॥ १ ॥ जति णं भंते! समणेणं जाव संप० अट्टमस्स अंगस्स अंतगडदसाणं पढमस्स वग्गस्स दस अज्झयणा पं० पढमस्स णं भंते! अज्झयणस्स के अट्टे पं०?, एवं खलु जंबू! तेणं कालेणं० बारवतीणामं नगरी होत्था, दुवालसजो- यणायामा नवजोअणवित्थिण्णा धणवइमतिनिम्माया चामीकरपागारा नाणामणिपंचवन्नकविसीसगमंडिया सुरम्मा अलकापुरिसंकासा पमुदितपक्कीलिया पच्चक्खं देवलोगभूया पासा- दीया०, तीसे णं बारवतीनयरीए बहिया उत्तरपुरच्छिमे दिसीभागे एत्थ णं रेवतते नामं पव्वते होत्था, तत्थ णं रेवतते पव्वते नंदणवणे नामं उज्जाणे होत्था वन्नओ, सुरप्पिए नामं जक्खायतणे होत्था पोराने०, से णं एगेणं वणसंडेणं०, असोगवरपायवे, तत्थ णं बारवतीनयरीए कण्हे णामं वासुदेवे राया परिवसति महता० रायवन्नतो, से णं तत्थ समुद्दविजयपा- मोक्खाणं दसण्हं दसाराणं बलदेवपामोक्खाणं पंचण्हं महावीराणं पज्जुन्नपामोक्खाणं अद्दुट्टाणं कुमारकोडीणं संबपामोक्खाणं सट्टीए दुइंतसाहस्सीणं महसेणपामोक्खाणं छप्पण्णाए बलवगसाहस्सीणं वीरसेणपामोक्खाणं एगवीसाते वीरसाहस्सीणं उग्गसेणपा० सोलसण्हं रायसाहस्सीणं रुप्पिणिपा० सोलसण्हं देवीसाहस्सीणं अणंगसेणापामोक्खाणं अणेगाणं गणि- यासाहस्सीणं अन्नेसिं च बहूणं ईसरजावसत्थवाहाणं बारवतीए नयरीए अद्दभरहस्स य समत्तस्स आहेवच्चं जाव विहरति, तत्थ णं बारवतीए नयरीए अंधगवण्ही णामं राया परिवसति, महताहिमवंत० वन्नओ, तस्स णं अंधगवण्हिस्स रन्नो धारिणी नामं देवी होत्था वन्नओ, तते णं सा धारिणी देवी अन्नदा कदाई तंसि तारिसगंसि सयणिज्जंसि एवं जहा महब्बले 'सुमि- णदंसण कहणा जम्मं बालत्तणं कलातो य। जोव्वण पाणिग्गहणं कंता पासाय भोगा य ॥ २ ॥ नवरं गोयमो नामेणं, अट्टण्हं रायवरकन्नाणं एगदिवसेणं पाणिं गेण्हावेति अट्टट्टओ दाओ, तेणं कालेणं० अरहा अरिट्टनेमी आदिकरे जाव विहरति, चउव्विहा देवा आगया कण्हेवि णिग्गए, तते णं तस्स गोयमस्स कुमारस्स जहा मेहे तहा णिग्गते थम्मं सोच्चा जं नवरं देवाणु- प्पिया! अम्मापियरो आपुच्छामि देवाणुप्पियाणं० एवं जहा मेहे जाव अणगारे जाते जाव इणमेव णिग्गंथं पावयणं पुरओ काउं विहरति, तते णं से गोयमे अन्नदा कयाई अरहतो अरिट्टनेमिस्स तहारूवाणं थेराणं अंतिए सामाइयमाइयाइं एक्कारस अंगाइं अहिज्जति त्ता बहूहिं चउत्थ जाव भावेमाणे विहरति, तते णं अरिहा अरिट्टनेमी अन्नदा कदाई बारवतीतो नंदणवणातो पडिनिक्खमति बहिया जणवयविहारं विहरति, तते णं से गोयमे अणगारे अन्नदा कदाई जेणेव अरहा अरिट्टनेमी तेणेव उवा० त्ता अरहं अरिट्टनेमिं तिक्खुत्तो आदा० पदा० एवं व०-इच्छामि णं भंते! तुब्भेहिं अब्भणुण्णाते समाणे मासियं भिक्खुपडिमं उवसंपज्जित्ताणं विहरित्तए, एवं जहा खंदतो तहा बारस भिक्खुपडिमातो फासेति त्ता गुणरय- णंपि तवोकम्मं तहेव फासेति निरवसेसं जहा खंदतो तहा चिंतेति तहा आपुच्छति तहा थेरेहिं सद्धिं सेत्तुञ्जं दुरूहति मासियाए संलेहणाए बारस वरिसाइं परिताते जाव सिद्धे० । १ । एवं खलु जंबू! समणेणं जाव संपत्तेणं अट्टमस्स अंगस्स अंतगडदसाणं पढमवग्गपढमअज्झयणस्स अयमट्टे पं०, एवं जहा गोयमो तहा सेसा वण्ही पिया धारिणी माता समुद्दे सागरे गंभीरे थिमिए अयले कंपिल्ले अक्खोभे पसेणती विण्हुए एए, एगगमो पढमो वग्गो दस अज्झयणा । २ । जति दोच्चस्स वग्गस्स उक्खेवतो, तेणं कालेणं० बारवतीते णगरीए वण्ही पिया धारिणी माता- 'अक्खोभ सागरे खलु समुद्द हिमवंत अचलनामे य। धरणे य पूरणेवि य अभिचंदे चेव अट्टमते ॥ ३ ॥ जहा पढमो वग्गो तहा सव्वे अट्ट अज्झयणा गुणरयणतवोकम्मं सोलस वासाइं परियाओ सेत्तुञ्जे मासियाए संलेहणाए सिद्धी । ३ । जति तच्चस्स उक्खेवतो, एवं खलु जंबू! तच्चस्स वग्गस्स अंतगडदसाणं तेरस अज्झयणा अणीयसे अणंतसेणे अणिहए विऊ देवजसे सत्तुसेणे सारणे गए सुमुहे दुम्मुहे कूवए दारुए अणाहिट्टी १३, जति णं भंते! समणेणं जाव संपत्तेणं तच्चस्स वग्गस्स अंतगडदसाणं तेरस अज्झयणा पं० तच्चस्स णं भंते! वग्गस्स पढमअज्झयणस्स अंतगडदसाणं के अट्टे पं०?, एवं खलु जंबू! तेणं कालेणं० भदिलपुरे नामं नगरे होत्था वन्नओ, तस्स णं भदिलपुरस्स० उत्तरपुरच्छिमे दिसीभाए

सिरिवणे नामं उजाणे होत्या वन्नओ, जितसत्तू राया, तत्थ णं भदिलपुरे नयरे नागे नामं गाहावती होत्या अड्ढे०, तस्स णं नागस्स गाहावतिस्स सुलसा नामं भारिया होत्या सूमाला जाव सुरूवा, तस्स णं नागस्स गाहावतिस्स पुत्ते सुलसाए भारियाए अत्तए अणीयजसे नाम कुमारे होत्या सूमाले जाव सुरूवे पंचधातीपरिक्खित्ते तं० खीरधाती जहा दढपइत्ते जाव गिरि० सुहं० परिवड्ढति, तते णं तं अणीयजसं कुमारं सातिरेगअट्टवासजायं अम्मापियरो कलायरिय जाव भोगसमत्थे जाते यावि होत्या, तते णं तं अणीयजसं कुमारं उम्मुक्कवालभावं जाणेत्ता अम्मापियरो कलायरिय जाव बत्तीसाए इब्भवरकन्नगाणं एगदिवसेण पाणिं गेण्हावेंति, तते णं से नागे गाहावती अणीयजसस्स कुमारस्स इमं एयारूवं पीतिदाणं दलयति तं० बत्तीसं हिरण्णकोडीओ जहा महब्बलस्स जाव उप्पि पासा० फुट्ट० विहरति, तेणं कालेणं० अरहा अरिट्ट जाव समोसढे सिरिवणे उजाणे जहा जाव विहरति परिता णिग्गया, तते णं तस्स अणीयजसस्स तं महा० जहा गोयमे तहा नवरं सामाइयमातियाइं चोइस पुढाइं अहिज्जति वीसं वासातिं परिताओ सेसं तहेव जाव सेत्तुञ्जे पव्वते मासियाए संलेहणाए जाव सिद्धे०, एवं खलु जंबू! समणेणं अट्टमस्स अंगस्स अंतगडदसाणं तच्चस्स वग्गस्स पढमअज्झयणस्स अयमट्टे पं०, एवं जहा अणीयजसे, एवं सेसावि अणंतसेणे जाव सत्तुसेणे छ अज्झयणा एक्कगमा बत्तीसदो दाओ वीसं वासा परियातो चोइस० सेत्तुञ्जे सिद्धा ॥ छट्टमज्झयणं समत्तं। तेणं कालेणं० बारवतीए नयरीए जहा पढमे नवरं वसुदेवे राया धारिणी देवी सीहो सुमिणे सारणे कुमारे पन्नासतो दातो चोइस पुढा वीसं वासा परिताओ सेसं जहा गोयमस्स जाव सेत्तुञ्जे सिद्धे०। जति० उक्खेओ अट्टमस्स, एवं खलु जंबू! तेणं कालेणं० बारवतीए नगरीए जहा पढमे जाव अरहा अरिट्टनेमी सामी समोसढे, तेणं कालेणं० अरहतो अरिट्टनेमिस्स अंतेवासी छ अणगारा भायरो सहोदरा होत्या सरिसया सरित्तया सरिच्चया नीलुप्पलगुलियअयसिकुसुमप्पगासा सिरिवच्छंकिवच्छा कुसुमकुंडलभदलया नलकुब्बरसमाणा, तते णं ते छ अणगारा जं चेव दिवसं मुंडा भवेत्ता अगाराओ अणगारियं पच्चतिया तं चेव दिवसं अरहं अरिट्टनेमीं वंदंति णमंसंति ता एवं व०-इच्छामो णं भंते! तुब्भेहिं अब्भणुणाया समाणा जावजीवाए छट्टंछट्टेणं अणिक्खित्तेणं तवोकम्म संजमेणं तवसा अप्पाणं भावेमाणे विहरित्ते, अहासुहं देवाणुप्पिया! मा पडि०, तते णं ते छ अणगारा अरहया अरिट्टनेमिणा अब्भणुणाया समाणा जावजीवाए छट्टंछट्टेणं जाव विहरति, तते णं ते छ अणगारा अरहया कयाइं छट्टक्खमणपारणयंसि पढमाए पोरिसीए सज्झायं करंति जहा गोयमो जाव इच्छामो णं छट्टक्खमणस्स पारणए तुब्भेहिं अब्भणुणाया समाणा तीहिं संघाडएहिं बारवतीए नयरीए जाव अडित्तते, अहासुहं०, तते णं ते छ अणगारा अरहया अरिट्टनेमिणा अब्भणुणाया समाणा अरहं अरिट्टनेमिं वंदंति णमंसंति ता अरहतो अरिट्टनेमिस्स अंतियातो सहसंभवणातो पडिनिक्खमंति ता तीहिं संघाडएहिं अतुरियं जाव अडंति, तत्थ णं एगे संघाडए बारवतीए नयरीए उच्चनीयमज्झिमाइं कुलाइं घरसमुदाणस्स भिक्खायरियाते अडमाणे २ वसुदेवस्स रन्नो देवतीए देवीते गेहे अणुपविट्टे, तते णं सा देवती देवी ते अणगारे एज्जमाणे पासति ता हट्टजावहियया आसणातो अब्भुट्टेति ता सत्तट्ट पयाइं० तिक्खुत्तो आयाहिणपयाहिणं करेति ता वंदंति णमंसंति ता जेणेव भत्तघरते तेणेव उवागया सीहकेसराणं मोयगाणं थालं भरेति ते अणगारे पडिलाभेति वंदंति णमंसंति ता पडिविसज्जेति, तदाणंतरं च णं दोच्चे संघाडते बारवतीते उच्च जाव विसज्जेति, तदाणंतरं च णं तच्चे संघाडते बारवतीए नगरीए उच्चनीय जाव पडिलाभेति ता एवं वदासी-किण्णं देवाणुप्पिया! कण्हस्स वासुदेवस्स इमीसे बारवतीए नगरीते नवजोयण० पच्चक्खदेवलोगभूताए समणा निग्गंथा उच्चनीय जाव अडमाणा भत्तपाणं णो लभंति जन्नं ताइं चेव कुलाइं भत्तपाणाए भुज्जो २ अणुप्पविसंति?, तते णं ते अणगारा देवतीं देवीं एवं व०-नो खलु देवा०! कण्हस्स वासुदेवस्स इमीसे बारवतीते नगरीते जाव देवलोगभूयाते समणा निग्गंथा उच्चनीय जाव अडमाणा भत्तपाणं णो लभंति नो चेव णं ताइं ताइं कुलाइं दोच्चंपि तच्चंपि भत्तपाणाए अणुपविसंति, एवं खलु देवाणुप्पिया! अम्हे भदिलपुरे नगरे नागस्स गाहावतिस्स पुत्ता सुलसाते भारियाए अत्तया छ भायरो सहोदरा सरिसया जाव नलकुब्बरसमाणा अरहओ अरिट्टनेमिस्स अंतिए धम्मं सोच्चा संसारभउच्चिग्गा भीया जम्मणमरणणं मुंडा जाव पच्चइया, तते णं अम्हे जं चेव दिवसं पच्चतिया तं चेव दिवसं अरहं अरिट्टनेमिं वंदामो नमंसामो ता इमं एयारूवं अभिग्गहं अभिगेण्हामो-इच्छामो णं भंते! तुब्भेहिं अब्भणुणाया समाणा जाव अहासुहं०, तते णं अम्हे अरहता० अब्भणुणाया समाणा जावजीवाए छट्टंछट्टेणं जाव विहरामो तं अम्हे अज्ज छट्टक्खमणपारणयंसि पढमाए पोरिसीए जाव अडमाणा तव गेहं अणुप्पविट्टा, तं नो खलु देवाणुप्पिए! ते चेव णं अम्हे, अम्हे णं अच्चे, देवतीं देवीं एवं वदंति ता जामेव दिसं पाउ० तामेव दिसं पडिग्गता, तीसे देवतीते देवीए अयमेयारूवे अज्झ० समुप्पन्ने, एवं खलु अहं पोलासपुरे नगरे अतिमुत्तेणं कुमारसमणेणं बालत्तणे वागरिता तुमं णं देवाणु० अट्ट पुत्ते पयातिस्ससि सरिसए जाव नलकुब्बरसमाणे नो चेव णं भारहे वासे अन्नातो अम्मयातो तारिसए पुत्ते पयातिस्संति तं णं मिच्छा, इमं णं पच्चक्खमेव दिस्सति भारहे वासे अन्नातोवि अम्मताओ एरिसे जाव पुत्ते पयायाओ तं गच्छामि णं अरहं अरिट्टनेमिं वंदामि

ता इमं च णं एयारूवं वागरणं पुच्छिस्सामीतिकट्टु एवं संपेहेति ता कोडुंबियपुरिसे सदावेति ता एवं व०-लहुकरणप्पर जाव उवट्टवेति, जहा देवाणंदा जाव पज्जुवासति. तते णं अरहा अरिट्टनेमी देवतीं देवीं एवं व०-से नूणं तव देवती ! इमे ल अणगारे पासेत्ता अयमेयारूवे अब्भत्थि० एवं खलु अहं पोलासपुरे नगरे अइमुत्तेणं तं चेव णिग्गच्छसि ता जेणेव मम अंतियं हब्रमागया से नूणं देवती ! अत्थे समट्टे ? हंता अत्थि. एवं खलु देवा० ! तेणं कालेणं० भट्टिलपुरे नगरे नागे नामं गाहावती परिवसति अट्टे०. तस्स णं नागस्स गाहा० सुलसा नामं भारिया होत्था. सा सुलसा गाहा० बालत्तणे चेव निमित्तिएणं वागरिता-एस णं दारिया णिंदू भविस्सति. तते णं सा सुलसा बालप्पभितिं चेव हरिणेगमेसीभत्तया यावि होत्था हरिणेगमेसिस्स पडिमं करेति ता कट्टाकट्टिं णहाता जाव पायच्छिता उल्लपडसाडया महरिहं पुप्फच्चणं करेति ता जंनुपायपडिया पणामं करेति ततो पच्छा आहारेति वा नीहारेति वा वरति वा. तते णं तीसे सुलसाए गाहा० भत्तिबहुमाणसुस्ससाए हरिणेगमेसी देवे आराहिते यावि होत्था. तते णं से हरिणेगमेसी देवे सुलसाए गाहावट्टणीए अणुकंपणट्टयाए मुलसं गाहावतिणिं तुमं च दोवि समउउयाओ करेति. तते णं तुब्भे दोवि सममेव गब्भे गिण्हह सममेव गब्भे परिवहह सममेव दारए पयायह, तए णं सा सुलसा गाहावतिणी विणिहाय-मावन्ने दारए पयायति. तते णं से हरिणेगमेसी देवे सुलसाए अणुकंपणट्टाते विणिहायमावण्णए दारए करतलसंपुडेणं गेण्हति ता तव अंतियं साहरति ता तंसमयं च णं तुमंपि णवण्हं मासाणं० सुकुमालदारए पसवसि. जेऽविय णं देवाणुप्पिए ! तव पुत्ता तेऽविय तव अंतिताओ करयलसंपुडेणं गेण्हति ता सुलसाए गाहा० अंतिए साहरति. तं तव चेव णं देवइ ! एए पुत्ता णो चेव सुलसाते गाहाव०. तते णं सा देवती देवी अरहओ अरिट्ट० अंतिए एयमट्टं सोच्चा निसम्म हट्टुट्टुजावहियया अरहं अरिट्टनेमिं वंदति नमंसति ता जेणेव ते ल अणगारा तेणेव उवागच्छति ते लप्पि अणगारा वंदति णमंसति ता आगतपण्हता पप्फुतलोयणा कंचुयपडिक्खित्तया दरियवलयबाहा धाराहयकलंबपुप्फंगपिव समूससियरोमकूवा ते लप्पि अणगारे अणिमिसाते दिट्टीए पेहमाणी २ सुचिरं निरिक्खति ता वंदति णमंसति ता जेणेव अरिहा अरिट्ट० तेणेव उवाग० अरहं अरिट्टनेमिं तिक्खुत्तो आयाहिणपयाहिणं करेति ता वंदति णमंसति ता तमेव धम्मियं जाण० दूरूहति ता जेणेव बारवतीणगरी तेणेव उवा० ता बारवतिं नगरिं अणुप्पविसति ता जेणेव सते गिहे जेणेव बाहिरिया उवट्टाणसाला तेणेव उवाग० ता धम्मियातो जाणप्पवरातो पच्चोरूहति ता जेणेव सते वासघरे जेणेव सए सयणिज्जे तेणेव उवाग० ता सयंसि सयणिज्जंसि निसीयति, तते णं तीसे देवतीते देवीए अयं अब्भत्थिते० समुप्पण्णे-एवं खलु अहं सरिसते जाव नलकुच्चरसमाणे सत्त पुत्ते पयाता, नो चेव णं मए एगस्सवि बालत्तणते समणुभूते, एसविय णं कण्हे वासुदेवे ल्हणं ल्हणं मासाणं मम अंतियं पायवंदते हब्रमागच्छति. तं धन्नातो णं ताओ अम्मयाओ जासिं मण्णे णियगकुच्छिसंभूतयाइं थणदुद्धलुद्धयाइं महुरसमुल्लावयाइं मंमणपजंपियाइं थणमूलकक्खदेसभागं अभिसरमाणातिं मुद्धयाइं पुणो य कोमलकमलोवमेहिं हत्थेहिं गिण्हऊण उच्छंगि णिवेसियाइं देति समुल्लावते सुमहुरे पुणो २ मंजुलप्पभणिते, अहं णं अधन्ना अपुन्ना अकयपुन्ना एत्तो एक्कतरमपि न पत्ता, ओहय० जाव झियायति, इमं च णं कण्हे वासुदेवे णहाते जाव विभूसिते देवतीए देवीए पायवंदते हब्रमागच्छति, तते णं से कण्हे वासुदेवे देवइं देविं० पासति ता देवतीए देवीए पायग्गहणं करेति ता देवतीं देवीं एवं व०-अन्नदा णं अम्मो ! तुब्भे ममं पासेत्ता हट्टु जाव भवह, किण्णं अम्मो ! अज्ज तुब्भे ओहय जाव झियायह ?, तए णं सा देवती देवी कण्हं वासुदेवं एवं व०-एवं खलु अहं पुत्ता ! सरिसए जाव समाणे सत्त पुत्ते पयाया नो चेव णं मए एगस्सवि बालत्तणे अणुभूते तुमंपियुं णं पुत्ता ! ममं ल्हणं २ मासाणं अंतियं पादवंदते हब्रमागच्छसि तं धन्नाओ णं ताओ अम्मयातो जाव झियायामि, तए णं से कण्हे वासुदेवे देवतिं देविं एवं व०-मा णं तुब्भे अम्मो ! ओहय जाव झियायह अहण्णं तहा घत्तिस्सामि जहा णं ममं सहोदरे कणीयसे भाउए भविस्सतीतिकट्टु देवतिं देविं ताहिं इट्टाहिं वग्गूहिं समासासेति ता ततो पडिनिक्खमति ता जेणेव पोसहसाला तेणेव उवा० ता जहा अभओ नवरं हरिणेगमेसिस्स अट्टमभत्तं पगेण्हति जाव अंजलिं कट्टु एवं व०-इच्छामि णं देवाणु० ! सहोदरं कणीयसं भाउयं विदिण्णं, तते णं से हरिणेगमेसी कण्हं वासुदेवं एवं व०-होहिति णं देवाणु० ! तव देवलोयचुते सहोदरे कणीयसे भाउए से णं उम्मुक जाव अणुप्पत्ते अरहतो अरिट्टनेमिस्स अंतियं मुंडे जाव पव्वतिस्सति, कण्हं वासुदेवं दोच्चंपि तच्चंपि एवं वंदति ता जामेव दिसं पाउ० तामेव दिसं पडिगते, तते णं से कण्हे वासु० पोसहसालाओ पडिनि० जेणेव देवती देवी तेणेव उवा० ता देवतीए देवीए पायग्गहणं करेति ता एवं व०-होहिति णं अम्मो ! मम सहोदरे कणीयसे भाउएत्तिकट्टु देवतिं ताहिं इट्टाहिं जाव आसासेति जामेव दिसं पाउब्भूते तामेव दिसं पडिगते, तए णं सा देवती देवी अन्नदा कदाई तंसि तारिसगंसि जाव सीहं सुमिणे पासेत्ता पडिबुद्धा जाव पाढया हट्टुहियया परिवहति, तते णं सा देवती देवी नवण्हं मासाणं जासुमणारत्तबंधुजीवतलक्खारससरसपारिजातकरुण-दिवाकरसम्पभं सबनयणकंतं सुकुमालं जाव सुरूवं गततालुयसमाणं दारयं पयाया जम्मणं जहा मेहकुमारे जाव जम्हा णं अम्हं इमे दारते गततालुसमाणे तं होउ णं अम्ह एतस्स दारगस्स नामधेज्जे गयसुकुमाले २, तते णं तस्स दारगस्स अम्मापियरो नामं करेति गयसुकुमालोत्ति सेसं जहा मेहे जाव अलं भोगसमत्थे जाते यावि होत्था, तत्थ णं (१२६)

बारवतीए नगरीए सोमिले नामं माहणे पारिवसति अड्ढे रिउबेद जाव सुपरिनिट्टिते यावि होत्था, तस्स णं सोमिलमाहणस्स सोमसिरी नामं माहणी होत्था सूमाल०, तस्स णं सोमिलस्स धूता सोमसिरीए माहणीए अत्तया सोमानामं दारिया होत्था सोमाला जाव सुरूवा रूवेणं जाव लावण्णेणं उक्किट्टा उक्किट्टसरीरा यावि होत्था, तते णं सा सोमा दारिया अन्नया कदाई ण्हाता जाव विभूसिया बहूहिं खुजाहिं जाव परिक्खित्ता सतातो गिहातो पडिनिक्खमति त्ता जेणेव रायमग्गे तेणेव उवा० त्ता रायमग्गंसि कणगतिंदूसएणं कीलमाणी चिट्ठति, तेणं कालेणं० अरहा अरिट्टनेमी समोसडे परिसा निग्गया, तते णं से कण्हे वासुदेवे इमीसे कहाए लद्धट्टे समाणे ण्हाते जाव विभूसिए गयसुकुमालेणं कुमारेणं सद्धिं हत्थिखंधवरगते सकोरंट० लत्तेणं धरेज्जमाणेणं सेअवरचामराहिं उद्धुवमाणीहिं बारवईए नयरीए मज्झंमज्झेणं अरहतो अरिट्टनेमिस्स पायवंदते णिग्गच्छमाणे सोमं दारियं पासति त्ता सोमाए दारियाए रूवेण य जोवणेण य लावण्णेण य जाव विम्हिए, तए णं कण्हे० कोडुंबियपुरिसे सदावेइ त्ता एवं व०-गच्छह णं तुब्भे देवाणु० ! सोमिलं माहणं जायित्ता सोमं दारियं गेण्हह त्ता कचंते-उरंसि पक्खिवह, तते णं एसा गयसुकुमालस्स कुमारस्स भारिया भविस्सति, तते णं कोडुंबिय जाव पक्खिवंति, तते णं से कण्हे वासुदेवे बारवतीए मज्झंमज्झेणं णिग्गच्छित्ता जेणेव सहसंबवणे उज्जाणे जाव पज्जुवासति, तते णं अरहा अरिट्टनेमी कण्हस्स वासुदेवस्स गयसुकुमालस्स कुमारस्स तीसे य० धम्मकहा, कण्हे पडिगते, तते णं से गयसुकुमाले अरहतो अरिट्ट० अंतियं धम्मं सोच्चा जं नवरं अम्मापियरं आपुच्छामि जहा मेहो महेलियावज्जं जाव वड्ढियकुले, तते णं से कण्हे वासुदेवे इमीसे कहाए लद्धट्टे समाणे जेणेव गयसुकुमाले तेणेव उवागच्छति त्ता गयसुकुमालं आलिंगति त्ता उच्छंगे निवेसेति त्ता एवं व०-तुमं ममं सहोदरे कणीयसे भाया तं मा णं तुमं देवाणु० ! इयाणिं अरहतो० मुंडे जाव पब्रयाहि, अहण्णं बारवतीए नयरीए महया २ रायाभिसेएणं अभिसिंचिस्सामि, तते णं से गयसुकुमाले कण्हेणं वासुदेवेणं एवं वुत्ते समाणे तुसिणीए संचिट्ठति, तए णं से गयसुकुमाले कण्हं वासुदेवं अम्मापियरो य दोच्चंपि तच्चंपि एवं व०-एवं खलु देवाणु० ! माणुस्सया कामा खेलासवा जाव विप्पजहियवा भविस्संति तं इच्छामि णं देवाणुप्पिया ! तुब्भेहिं अब्भणुन्नाये अरहतो अरिट्ट० अंतिए जाव पब्रइत्तए, तते णं तं गयसुकुमालं कण्हे वासु० अम्मापियरो य जाहे नो संचाएति बहुयाहिं अणुलोमाहिं जाव आघवित्तते० ताहे अकामाइं चैव एवं वदासी-तं इच्छामो णं ते जाया ! एगदिवसमवि रज्जसिंरिं पासित्तए निक्खमणं जहा महाबलस्स जाव तमाणाते तहा० तहा जाव संजमित्तते, से गय० अणगारे जाते ईरिया० जाव गुत्तवंभयारी, तते णं से गयसुकुमारे जं चैव दिवसं पब्रतिते तस्सेव दिवसस्स पुबावरण्हकालसमयंसि जेणेव अरहा अरिट्टनेमी तेणेव उवा० त्ता अरहं अरिट्टनेमीं तिक्खुत्तो आयाहिणपया-हिणं० वंदति णमंसति त्ता एवं वदासी-इच्छामि णं भंते ! तुब्भेहिं अब्भणुण्णाते समाणे महाकालंसि सुसाणंसि एगराइयं महापडिमं उवसंपज्जित्ताणं विहरेत्तते, अहासुहं देवाणु० !, तते णं से गय० अण० अरहता अरिट्ट० अब्भणुन्नाए समाणे अरहं अरिट्टनेमीं वंदति णमंसति त्ता अरहतो अरिट्ट० अंति० सहसंबवणाओ उज्जाणाओ पडिनिक्खमति त्ता जेणेव महा-काले सुसाणे तेणेव उवागते त्ता थंडिलं पडिलेहेति त्ता उच्चारपासवणभूमिं पडिलेहेति त्ता ईसिंपभारगएणं काएणं जाव दोवि पाए साहट्टु एगराइं महापडिमं उवसंपज्जित्ताणं विहरति, इमे य णं सोमिले माहणे सामिधेयस्स अट्टाते बारवतीओ नगरीओ बहिया पुब्रणिग्गते समिहातो य दब्भे य कुसे य पत्तामोडं च गेण्हति त्ता ततो पडिनियत्तति त्ता महाकालस्स सुसाणस्स अदूरसामंतेणं वीईवयमाणे २ संझाकालसमयंसि पविरलमणुस्संसि गयसुकुमालं अणगारं पासति त्ता तं वेरं सरति त्ता आसुरुत्ते० एवं व०-एस णं भो ! से गयसूमाले कुमारे अप्पत्थिय जाव परिवज्जिते जे णं मम धूयं सोमसिरीए भारियाए अत्तयं सोमं दारियं अदिट्टदोसपइयं कालवत्तिणिं विप्पजहेत्ता मुंडे जाव पव्वतिते, तं सेयं खलु ममं गयसुकुमालस्स कुमारस्स वेरनिज्जायणं करेत्तते, एवं संपेहेति त्ता दिसापडिलेहणं करेति त्ता सरसं मट्ठियं गेण्हति त्ता जेणेव गयसूमाले अणगारे तेणेव उवा० त्ता गयसूमालस्स कुमारस्स मत्थए मट्ठि-याए पालिं बंधइ त्ता जलंतीओ चिययाओ फुल्लियकिंसुयसमाणे खयरंगारे कहल्लेणं गेण्हइ त्ता गयसूमालस्स अणगारस्स मत्थए पक्खिवति त्ता भीए० तओ खिप्पामेव अवक्कमइ त्ता जामेव दिसं पाउब्भूते०, तते णं तस्स गयसूमालस्स अणगारस्स सरीरयंसि वेयणा पाउब्भूता उज्जला जाव दुरहियासा, तते णं से गय० अणगारे सोमिलस्स माहणस्स मणसावि अप्पदुस्समाणे तं उज्जलं जाव अहियासेति, तए णं तस्स गय० अण० तं उज्जलं जाव अहियासेमाणस्स सुभेणं परिणामेणं पसत्थज्झवसाणेणं तदावरणिज्जाणं कम्माणं खएणं कम्म-रयविकिरणकर अपुब्रकरणं अणुपविट्टस्स अणुत्तरे जाव केवलवरनाणदंसणे समुप्पण्णे, ततो पच्छा सिद्धे जावप्पहीणे, तत्थ णं अहासंनिहितेहिं देवेहिं सम्मं आराहितंतिकट्टु दिव्वे सुर-भिगंधोदए वुट्टे दसद्धवन्ने कुमुमे निवाडिते चेलुक्खेवे कए दिव्वे य गीयगंधवनिनाये कए यावि होत्था, तते णं से कण्हे वासुदेवे कल्लं पाउप्पभायाते जाव जलंते ण्हाते जाव विभूसिए हत्थिखंधवरगते सकोरंटमह्दामेणं लत्तेणं धरेज्ज० सेयवरचामराहिं उद्धुवमाणीहिं महयाभडचडगरपहकरवंदपरिक्खित्ते बारवतिं णगरिं मज्झंमज्झेणं जेणेव अरहा अरिट्ट० तेणेव

पहारेत्थ गमणाए, तते णं से कण्हे वासुदेवे बारवतीए नयरीए मज्झमज्झेणं निग्गच्छमाणे एकं पुरिसं पासति जुच्चं जराजजरियदेहं जाव किलंतं. महतिमहात्थाओ इट्ठगरासीओ एगमेगं इट्ठगं गहाय बहिया रत्थापहातो अंतोगिहं अणुपविसमाणं पासति. तए णं से कण्हे वासुदेवे तस्स पुरिसस्स अणुकंपणट्टाए हत्थिखंधवरगते चेव एगं इट्ठगं जेण्हति ता बहिया रत्थापहाओ अंतोगिहं अणुपवेसेति. तते णं कण्हेणं वासुदेवेणं एगाने इट्ठगाते गहिताते समाणीते अणेगेहिं पुरिससनेहिं से महात्ए इट्ठगस्स रासी बहिया रत्थापहातो अंतोघरंसि अणुपवेसिए. तते णं से कण्हे वासुदेवे बारवतीए नगरीए मज्झमज्झेणं निग्गच्छति ता जेणेव अरहा अरिट्ठनेमी तेणेव उवागते ता जाव वंदति णमंसति ता गयसुकुमालं अणगारं अपासमाणे अरहं अरिट्ठनेमिं वंदति णमंसति ता एवं व०-कहिं णं भंते ! से ममं सहोदरे कणीयसे भाया गयसुकुमाले अणगारे जा णं अहं वंदामि नमंसामि ? तते णं अरहा अरिट्ठनेमी कण्हं वासुदेवं एवं व०-साहिए णं कण्हा ! गयसुकुमालेणं अणगारेणं अप्पणो अट्टे. तते णं से कण्हे वासुदेवे अरहं अरिट्ठनेमिं एवं वदासी-कहण्णं भंते ! गयसुकुमालेणं अणगारेणं साहिते अप्पणो अट्टे ? तते णं अरहा अरिट्ठनेमी कण्हं वासुदेवं एवं व०-एवं खलु कण्हा ! गयसुकुमाले णं अणगारे णं ममं कल्लं पुत्रावरण्हकालसमयंसि वंदइ णमंसति ता एवं व०-इच्छामि णं उवसंपज्जिताणं विहरति. तए णं तं गयसुकुमालं अणगारं एगे पुरिसे पासति ता आसुरुत्ते० जाव सिद्धे. तं एवं खलु कण्हा ! गयसुकुमालेणं अणगारेणं साहिते अप्पणो अट्टे २. तते णं से कण्हे वासुदेवे अरहं अरिट्ठनेमिं एवं व०-केस णं भंते ! से पुरिसे अप्पत्थियपत्थए जाव परिवज्जिते जे णं ममं सहोदरं कणीयसं भायरं गयसुकुमालं अणगारं अकाले चेव जीवियातो ववरोविते. तए णं अरहा अरिट्ठनेमी कण्हं वासुदेवं एवं व०-मा णं कण्हा ! तुमं तस्स पुरिसस्स पदोसमावज्जाहि. एवं खलु कण्हा ! तेणं पुरिसेणं गयसुकुमालस्स अणगारस्स साहिज्जे दिन्ने. कहण्णं भंते ! तेणं पुरिसेणं गयसुकुमालस्स णं साहेज्जे दिन्ने ? तए णं अरहा अरिट्ठनेमी कण्हं वासुदेवं एवं व०-से नूणं कण्हा ! ममं तुमं पायवंदए हव्वमागच्छमाणे बारवतीए नयरीए एगं पुरिसं पासति जाव अणुपविसिते, जहा णं कण्हा ! तुमं तस्स पुरिसस्स साहिज्जे दिन्ने एवमेव कण्हा ! तेणं पुरिसेणं गयसुकुमालस्स अणगारस्स अणेगभवसयसहस्ससंचितं कम्मं उदीरेमाणेणं बहुकम्मणिज्जरत्थं साहिज्जे दिन्ने. तते णं से कण्हे वासुदेवे अरहं अरिट्ठनेमिं एवं व०-से णं भंते ! पुरिसे मते कहं जाणियव्वे ? तए णं अरहा अरिट्ठनेमी कण्हं वासुदेवं एवं व०-जे णं कण्हा ! तुमं बारवतीए नयरीए अणुपविसमाणं पासेत्ता ठितए चेव ठितिभेएणं कालं करिस्सति तण्णं तुमं जाणेजासि एस णं से पुरिसे. तते णं से कण्हे वासुदेवे अरहं अरिट्ठनेमिं वंदति नमंसति ता जेणेव आभिसेयं हत्थिरयणं तेणेव उवा० ता हत्थि दुरूहति ता जेणेव बारवती नगरी जेणेव सते गिहे तेणेव पहारेत्थ गमणाए, तस्स सोमित्ठमाहणस्स कल्लं जाव जलंते अयमेयारूवे अब्भत्थिए० समुप्पन्ने-एवं खलु कण्हे वासुदेवे अरहं अरिट्ठनेमिं पायवंदए निग्गते तं नायमेयं अरहता विन्नायमेयं अरहता गुतमेयं अरहता सिट्ठमेयं अरहया भविस्सइ कण्हस्स वासुदेवस्स तं न नज्जति णं कण्हे वासुदेवे ममं केणवि कुमारेणं मारिस्सत्तिकट्टु भीते० सयातो गिहातो पडिनिक्खमति कण्हस्स वासुदेवस्स बारवतिं नगरिं अणुपविसमाणस्स पुरतो सपक्खिं सपडिदिसिं हव्वमागते. तते णं से सोमित्ठे माहणे कण्हं वासुदेवं सहसा पासेत्ता भीते० ठिते य चेव ठितिभेयं कालं करेति धरणितलंसि सब्रंगेहिं धसत्ति संनिवडिते. तते णं से कण्हे वासुदेवे सोमित्ठं माहणं पासति ता एवं व०-एस णं देवाणुप्पिया ! से सोमित्ठे माहणे अप्पत्थियपत्थए जाव परिवज्जिते जेणं ममं सहोदरे कणीयसे भायरे गयसुकुमाले अणगारे अकाले चेव जीवियाओ ववरोविएत्तिकट्टु सोमित्ठं माहणं पाणेहिं कड्ढावेति ता भूमिं पाणिएणं अब्भोक्खावेति ता जेणेव सते गिहे तेणेव उवागते सयं गिहं अणुपविट्टे. एवं खलु जंबू ! जाव स० अंत० तच्चस्स वग्गस्स अट्टमज्झयणस्स अयमट्टे पं० । ६ । नवमस्स उक्खेवओ. एवं खलु जंबू ! तेणं कालेणं० बारवतीए नयरीए जहा पढमए जाव विहरति. तत्थ णं बारवतीए बलदेवे नामं राया होत्था वन्नओ. तस्स णं बलदेवस्स रत्तो धारिणीनामं देवी होत्था वन्नओ. तते णं सा धारिणी सीहं सुमिणे जहा गोयमे नवरं समुहे नामं कुमारे पन्नासं कन्नाओ पन्नासओ दाओ चोदस पुत्राइं अहिज्जति वीसं वासाइं परियातो सेसं तं चेव सेत्तुञ्जे सिद्धे. निक्खेवओ । एवं दुम्महेवि कूवदारएवि. निन्नवि बलदेवधारिणीसुया, दारुएऽवि एवं चेव. नवरं वसुदेवधारिणिसुते. एवं अणाधिट्ठीवि वसुदेवधारिणिसुते. एवं खलु जंबू ! समणेणं जाव सं० अट्ठमस्स अंगस्स अंतगडदसाणं तच्चस्स वग्गस्स तेरसमस्स अज्झयणस्स अयमट्टे पं० वग्गो ३ । ७ । जति णं भंते ! समणेणं जाव संपत्तेणं तच्चस्स वग्गस्स अयमट्टे पं० चउत्थस्स के अट्ठे पं० ? एवं खलु जंबू ! सम० जाव सं० चउत्थस्स वग्गस्स दस अज्झयणा पं० तं०- जालि मयालि उवयाली पुरिससेणे य वारिसेणे य । पज्जुन्न संब अनिरुद्धे सच्चनेमी य दढनेमी ॥ ४ ॥ जति णं भंते ! समणेणं जाव संपत्तेणं चउत्थस्स वग्गस्स दस अज्झयणा पं० पढमस्स णं० अज्झयणस्स के अट्ठे पं० ?, एवं खलु जंबू ! तेणं का० बारवती नगरी तीसे जहा पढमे कण्हे वासुदेवे आहेवच्चं जाव विहरति, तत्थ णं बारवतीए नगरीए वसुदेवे राया धारिणी वन्नतो जहा गोयमो नवरं जालिकुमारे पन्नासतो दातो बारसंगी सोल्लस वासा परिताओ सेसं जहा गोयमस्स जाव सेत्तुञ्जे सिद्धे । एवं

मयाली उवयाली पुरिससेणे य वारिसेणे य एवं पञ्जुन्नेवित्ति नवरं कण्हे पिया रुपिणी माता, एवं संबेऽवि, नवरं जंबवती माता, एवं अनिरुद्धेवि नवरं पञ्जुन्ने पिया वेदम्भी माया, एवं सच्चनेमी. नवरं समुद्विजये पिता सिवा माता, दढनेमीवि, सब्बे एगगमा, चउत्थवग्गस्स निक्खेवओ। वग्गो ४। ८। जति णं भंते! सम० जाव सं० चउत्थस्स वग्गस्स अयमट्ठे पन्नत्ते पंच-मस्स वग्गस्स अंतगडदसाणं समणेणं जाव सं० के अट्ठे पं०?, एवं खलु जंबू! समणेणं जाव संपत्तेणं पंचमस्स वग्गस्स दस अज्झ० पं० तं०-पउमावती य गोरी गंधारी लक्खवणा सुसीमा य। जंबवइ सच्चभामा रुपिणि मूलसिरि मूलदत्तावि ॥ ५ ॥ जति णं भंते! पंचमस्स वग्गस्स दस अज्झयणा पं० पढमस्स णं भंते! अज्झयणस्स के अट्ठे पं०?, एवं खलु जंबू! तेणं कालेणं० बारवती नगरी जहा पढमे जाव कण्हे वासुदेवे आहे० जाव विहरति, तस्स णं कण्हस्स वासु० पउमावती नाम देवी होत्था वन्नओ, तेणं कालेणं० अरहा अरिट्ठनेमी समोसट्ठे जाव विहरति, कण्हे वासुदेवे णिग्गते जाव पञ्जुवासति, तते णं सा पउमावती देवी इमीसे कहाए लद्धट्ठा हट्ठ० जहा देवती जाव पञ्जुवासति, तए णं अरिहा अरिट्ठ० कण्हस्स वासुदेवस्स पउमावतीए य धम्मकहा परिसा पडिगता, तते णं कण्हे० अरहं अरिट्ठनेमिं वंदति णमंसति ता एवं व०-इमीसे णं भंते! बारवतीए नगरीए नवजोयणा जाव देवलोगभूताए किंमूलाते विणासे भविस्सति?, कण्हाति! अरहा अरिट्ठ० कण्हं वासु० एवं व०-एवं खलु कण्हा! इमीसे बारवतीए नयरीए नवजोयणा जाव भूयाए सुरग्गिदीवायणमूलाए विणासे भविस्सति, कण्हस्स वासुदेवस्स अरहतो अरिट्ठ० अंतिए एयं सोच्चा निसम्म एवं अब्भत्थिए० धन्ना णं ते जालिमयालिपुरिससेणवारिसेणपञ्जुन्नसंबअनिरुद्धदढनेमिसच्चनेमिपभियतो कुमारा जे णं चइत्ता हिरण्णं जाव परिभाएत्ता अरहतो अरिट्ठनेमिस्स अंतियं मुंडा जाव पव्वतिया, अहण्णं अधन्ने अकयपुन्ने रज्जे य जाव अंतेउरे य माणुस्सएसु य कामभोगेसु मुच्छिते० नो संचाएमि अरहतो अरिट्ठ जाव पव्वतित्तए, कण्हाइ! अरहा अरिट्ठनेमी कण्हं वासुदेवं एवं व०-से नूणं कण्हा! तव अयमब्भत्थिए०-धन्ना णं ते जाव पव्वतित्तते, से नूणं कण्हा! अट्ठे समट्ठे?, हंता अत्थि, तं नो खलु कण्हा! तंएवं भूतं वा भव्वं वा भविस्सति वा जन्नं वासुदेवा चइत्ता हिरण्णं जाव पव्वइस्संति, से केणट्ठेणं भंते! एवं वुच्चइ-न एयं भूयं वा जाव पव्वति-स्संति?, कण्हाति! अरहा अरिट्ठनेमी कण्हं वासुदेवं एवं व०-एवं खलु कण्हा! सब्बेवि य णं वासुदेवा पुव्वभवे निदाणकडा, से एतेणट्ठेणं कण्हा! एवं वुच्चति-न एयं भूयं० पव्वइस्संति, तते णं से कण्हे वासु० अरहं अरिट्ठ० एवं व०-अहं णं भंते! इतो कालमासे कालं किच्चा कहिं गमिस्सामि कहिं उववज्जिस्सामि?, तते णं अरिहा अरिट्ठ० कण्हं वासु० एवं व०-एवं खलु कण्हा! बारवतीए नयरीए सुरदीवायणकोवनिइइटाए अम्मापिइनियगविप्पहूणे रामेण बलदेवेण सद्धिं दाहिणवेयालिं अभिमुहे जोहिट्ठिट्ठपामोक्खवाणं पंचण्हं पंडवाणं पंडुराय-पुत्ताणं पासं पंडुमहुरं संपत्थिते कोसंबवणकाणणे नग्गोहवरपायवस्स अहे पुढवीसिलापट्टए पीतवत्थपच्छाइयसरीरे जरकुमारेणं तिक्खेणं कोदंडविप्पमुक्केणं इसुणा वामे पादे विद्धे स-माणे कालमासे कालं किच्चा तच्चाए वालुयप्पभाए पुढवीए उज्जलिए नरए नेरइयत्ताए उववज्जिहिसि, तते णं कण्हे वासुदेवे अरहतो अरिट्ठ० अंतिए एयमट्ठं सोच्चा निसम्म ओहय जाव झियाति, कण्हाति! अरहा अरिट्ठ० कण्हं वासुदेवं एवं व०-मा णं तुमं देवाणुप्पिया! ओहय जाव झियाहि, एवं खलु तुमं देवाणु०! तच्चातो पुढवीओ उज्जलियाओ अणंतरं उव्व-ट्टित्ता इहेव जंबुद्दीवे दीवे भारहे वासे आगमेसाए उस्सप्पिणीए पुंडेसु जणवतेसु सयदुवारे बारसमे अममे नामं अरहा भविस्ससि, तत्थ तुमं बहूइं वासाइं केवल्लिपरियागं पाउणेत्ता सिज्जिहिसि०, तते णं से कण्हे वासुदेवे अरहतो अरिट्ठ० अंतिए एयमट्ठं सोच्चा निसम्म हट्ठतुट्ठ० अप्फोडेति ता वग्गति ता तिवतिं छिंदति ता सीहनायं करेति ता अरहं अरि-ट्ठनेमिं वंदति णमंसति ता तमेव अभिसेक्कं हत्थि दुरूहति ता जेणेव बारवती नगरी जेणेव सते गिहे तेणेव उवागते अभिसेयहत्थिरयणातो पच्चोरुहति जेणेव बाहिरिया उवट्ठाण-साला जेणेव सते सीहासणे तेणेव उवागच्छति ता सीहासणवरंसि पुरत्थाभिमुहे निसीयति ता कोडुंबियपुरिसे सदावेति ता एवं व०-गच्छह णं तुम्भे देवाणु०! बारवतीए नयरीए सिंघा-डग जाव उग्घोसेमाणा २ एवं वयह-एवं खलु देवाणुप्पिया! बारवतीए नयरीए नवजोयणा जाव भूयाए सुरग्गिदीवायणमूलाते विणासे भविस्सति तं जो णं देवा०! इच्छति बारवतीए नयरीए राया वा जुवराया वा ईसरे वा तलवरे वा माडुंबियकोडुंबियइब्भसेट्ठी वा देवी वा कुमारो वा कुमारी वा अरहतो अरिट्ठनेमिस्स अंतिए मुंडे जाव पव्वइत्तए तं णं कण्हे वासुदेवे विसज्जेति, पच्छातुरस्सवि य से अहापवित्तं वित्ति अणुजाणति महता इड्ढीसक्कारसमुदएण य से निक्खमणं करेति, दोच्चपि तच्चपि घोसणयं घोसेह ता मम एयं० पच्चप्पिणह, तए णं ते कोडुंबिय जाव पच्चप्पिणंति, तते णं सा पउमावती देवी अरहतो० अंतिए धम्मं सोच्चा निसम्म हट्ठतुट्ठजावहियया अरहं अरिट्ठनेमीं वंदति णमंसति ता एवं व०-सइहामि णं भंते! णिग्गंथं पावयणं० से जहेतं तुम्भे वदह, जं नवरं देवाणु०! कण्हं वासुदेवं आपुच्छामि तते णं अहं देवा०! अंतिए मुंडा जाव पव्वयामि, अहासुहं०, तए णं सा पउमावती देवी धम्मियं जाणप्पवरं दुरूहति ता जेणेव बारवती नगरी जेणेव सते गिहे तेणेव उवागच्छति ता धम्मियातो जाणातो पच्चोरुभति ता जेणेव कण्हे वासुदेवे ते० उ० करयल० कट्टु एवं

५०७, अन्तकृद्दशांगं - ८८०१-५

व०-इच्छामि णं देवाणु० ! तुभेहिं अभणुणाता समाणी अरहतो अरिट्टनेमिस्स अंतिए मुंडा जाव पच्च०, अहासुहं०, तए णं से कण्हे वासुदेवे कोडुंबिते सदावेति ता एवं व०-खिप्पा-
 मेव पउमावतीते० महत्थं निक्खमणाभिसेयं उवट्टवेह ता एयमाणत्तियं पच्चप्पिणह० जाव पच्चप्पिणंति, तए णं से कण्हे वासुदेवे पउमावतीं देवीं पट्टयं दूरुहेति अट्टसतेणं सोवण
 कल्लस जाव महानिक्खमणाभिसेएणं अभिसिंचति ता सद्वालंकारविभूसियं करेति ता पुरिससहस्सवाहिणिं सिबियं रदावेति बारवतीणगरीमज्झंमज्झेणं निग्गच्छति ता जेणेव रेवतते
 पच्चए जेणेव सहस्संबवणे उज्जाणे तेणेव उवा० ता सीयं ठवेति पउमावती देवी सीतातो पच्चोरुभति० जेणेव अरहा अरिट्टनेमी तेणेव उवा० ता अरहं अरिट्टनेमीं तिक्खुत्तो आ० प० ता
 वं० न० ता एवं व०-एस णं भंते ! मम अग्गमहिंसी पउमावतीनामं देवी इट्ठा कंता पिया मणुन्ना मणामा अभिरामा जाव किमंग पुण पासणयाए ? तन्नं अहं देवाणु० ! सिस्सिणि-
 भिक्खं दलयामि पडिच्छंतु णं देवाणु० ! सिस्सिणिभिक्खं, अहासुहं०, त० सा पउमावती उत्तरपुरच्छिमं दिसीभागं अवक्कमति ता सयमेव आभरणात्तंकारं ओमुयति ता सयमेव
 पंचमुट्टियं लोयं करेति ता जेणेव अरहा अरि० तेणेव उवा० ता अरहं अरिट्टनेमिं वंदति णमंसति ता एवं व०-आलित्ते जाव धम्ममाइक्खितं, तते णं अरहा अरिट्ट० पउमावतीं देवीं
 सयमेव पच्चावेति सय० मुंडा० सय० जक्खिणीते अज्जाते सिस्सिणिं दलयति, त० सा जक्खिणी अज्जा पउमावइं देवीं सयं पच्चा० जाव संजमियच्चं, तते णं सा पउमावती जाव संजमइ,
 त० सा पउमावती अज्जा जाता ईरियासमिया जाव गुत्तबंभयारिणी, त० सा पउमावती अज्जा जक्खिणीते अज्जाते अंतिए सामाइयमाइयाइं एक्कारस अंगाइं अहिज्जति, वड्ढहिं चउ-
 त्थल्लट्ट० विविहतव० भा० विहरति, त० सा पउमावती अज्जा बहुपडिपुच्चाइं वीसं वासाइं सामन्नपरियागं पाउणित्ता मासियाए संलेहणाए अप्पाणं झोसेति ता सट्ठिं भत्ताइं अणसणाए
 छेदेति ता जस्सट्टाते कीरइ नग्गभावे जाव तमट्टं आराहेति चरिमुस्सासेहिं सिद्धा० । ९ । तेणं कालेणं० बारवई रेवतए उज्जाणे नंदणवणे, तत्थ णं बारव० कण्हे वासु० तस्स णं कण्ह-
 वासुदेवस्स गोरी देवी वन्नतो अरहा० समोसढे कण्हे णिग्गते गोरी जहा पउमावती तहा णिग्गया धम्मकहा परिसा पडिगता कण्हेवि तए णं सा गोरी जहा पउमावती तहा णिक्खंता
 जाव सिद्धा० । एवं गंधारी लक्खणा सुसीमा जंबवई सच्चमामा रूप्पिणी अट्टवि पउमावतीसरिसाओ, अट्ट अज्झयणा । १० । तेणं कालेणं० बारवतीनगरीए रेवतते नंदणवणे कण्हे०,
 तत्थ णं बारवतीए नयरीए कण्हस्स वासुदेवस्स पुत्ते जंबवतीए देवीए अत्तते संबे नामं कुमारे होत्था, अहीण०, तस्स णं संबस्स कुमारस्स मूलसिरीनामं भारिया होत्था वन्नओ,
 अरहा० समोसढे कण्हे णिग्गते मूलसिरीवि णिग्गया जहा पउमा० नवरं देवाणु० ! कण्हं वासुदेवं आपुच्छामि जाव सिद्धा, एवं मूलदत्तावि । पंचमो वग्गो । ११ । जति० छट्टस्स उक्खे-
 वओ, नवरं सोलस अज्झयणा पं० तं०- 'मंकाती किंकमे चेव, मोग्गरपाणी य कासवे । खेमते धितिधरे चेव, केलासे हरिचंदणे ॥ ६ ॥ वारत्त सुदंसण पुच्चभइ सुमणभइ सुपइट्टे मेहे ।
 अइमुत्ते अ अलक्खे अज्झयणाणं तु सोलसयं ॥ ७ ॥ जइ सोलस अज्झयणा पं० पढमस्स अज्झयणस्स के अट्टे पं०?, एवं खलु जंबू ! तेणं कालेणं० रायगिहे नगरे गुणसीलए चेतिते
 सेणिए राया मंकातीनामं गाहावती परिवसति अट्टे जाव अपरिभूते, तेणं कालेणं० समणे भगवं महावीरे आदिकरे गुणसीलए जाव विहरति परिसा निग्गया, तते णं से मंकाती गाहावती
 इमीसे कहाए लद्धट्टे जहा पच्चत्तीए गंगदत्ते तहेव इमोऽवि जेट्टपुत्तं कुडुंबे ठवेत्ता पुरिससहस्सवाहिणीए सीताते णिक्खंते जाव अणगारे जाते ईरियासमिते०, त० से मंकाती अणगारे
 समणस्स भगवतो० तहारूवाणं थेराणं अंतिए सामाइयमाइयाइं एक्कारस अंगाइं अहिज्जति, सेसं जहा खंदगस्स, गुणरयणं तवोकम्मं सोलस वासाइं परियाओ तहेव विपुले सिद्धे । अ० १ ।
 किंकमेवि एवं चेव जाव विपुले सिद्धे । अ० २ । १२ । तेणं कालेणं० रायगिहे गुणसीलते सेणिए राया चेह्णणा देवी, तत्थ णं रायगिहे अज्जुणए नामं मालागारे परिवसति अट्टे जाव अपरिभूते,
 तस्स णं अज्जुणयस्स मालायारस्स बंधुमतीणामं भारिया होत्था सूमा०, तस्स णं अज्जुणयस्स मालायारस्स रायगिहस्स नगरस्स बहिया एत्थ णं महं एगे पुप्फारामे होत्था कण्हे जाव
 निउरंबभूते दसद्धवन्नकुसुमकुसुमिते पासातीए०, तस्स णं पुप्फारामस्स अदूरसामंते तत्थ णं अज्जुणयस्स मालायारस्स अज्जतपज्जतपितिपज्जयागए अणेगकुलपुरिसपरंपरागते मोग्गरपा-
 णिस्स जक्खस्स जक्खाययणे होत्था, पोराणे दिव्वे सच्चे जहा पुण्णभदे, तत्थ णं मोग्गरपाणिस्स पडिमा एगं महं पलसहस्सणिप्फेणं अयोमयं मोग्गरं गहाय चिट्ठति, त० से अज्जुणते
 मालागारे बालप्पभितिं चेव मोग्गरपाणिजक्खभत्ते यावि होत्था, कल्लाकल्लिं पच्छियपिडगाइं गेण्हति ता रायगिहातो नगरातो पडिनिक्खमति ता जेणेव पुप्फारामे तेणेव उ० ता
 पुप्फुच्चयं करेति ता अग्गाइं वराइं पुप्फाइं गेण्हइ ता जेणेव मोग्गरपाणिस्स जक्खाययणे तेणेव उ० मोग्गरपाणिस्स जक्खस्स महरिहं पुप्फच्चणयं करेति ता जंनुपायवडिए पणामं
 करेति, ततो पच्छा रायमग्गंसि वित्तिं कप्पेमाणे विहरति, तत्थ णं रायगिहे नगरे ललिया नामं गोट्टी परिवसति अट्टा जाव अपरिभूता जंकयसुकया यावि होत्था, त० रायगिहे नगरे
 अन्नदा कदाई पमोदे घुट्टे यावि होत्था, त० से अज्जुणते मालागारे कल्लं पभूयतराएहिं पुप्फेहिं कज्जमितिकट्टु पच्चूसकालसमयंसि बंधुमतीते भारियाते सट्ठिं पच्छियपिडयातिं गेण्हति
 ता सयातो गिहातो पडिनिक्खमति ता रायगिहं नगरं मज्झंमज्झेणं णिग्गच्छति ता जेणेव पुप्फारामे तेणेव उवा० ता बंधुमतीते भारियाए सट्ठिं पुप्फुच्चयं करेति, त० तीसे (१२७)

ललियाते गोटीते छ गोट्टिहा पुरिसा जेणेव मोग्गरपाणिस्स जक्खस्स जक्खाययणे तेणेव उवागता ता अभिरममाणा चिट्ठंति. त० से अज्जुणते मालागारे बंधुमतीए भारियाए सद्धिं पुप्फुच्चयं करेति अग्गातिं वरातिं पुप्फातिं गहाय जेणेव मोग्गरपाणिस्स जक्खस्स जक्खाययणे तेणेव उवागच्छति, तते णं छ गोट्टिहा पुरिसा अज्जुणयं माला० बंधुमतीए भारियाए सद्धिं एज्जमाणं पासति ता अन्नमन्नं एवं व०-एस णं देवाणु०! अज्जुणते मालागारे बंधुमतीते भारियाते सद्धिं इहं हव्वमागच्छति तं सेयं खलु देवाणु०! अम्हं अज्जुणयं मालागारं अव-ओढयबंधणयं करेत्ता बंधुमतीते भारियाए सद्धिं विपुलाइं भोगभोगाइं भुंजमाणानं विहरित्तएत्तिकट्टु एयमट्टं अन्नमन्नस्स पडिसुणोति ता कवाडंतरेसु निलुक्कंति निच्चला निप्फदा तुसि-णीया पच्छण्णा चिट्ठंति, त० से अज्जुणते मालागारे बंधुमतीभारियाते सद्धिं जेणेव मोग्गरपाणिजक्खाययणे तेणेव उवा० ता आलोए पणामं करेति महारिहं पुप्फच्चणं करेति जंनुपा-यपडिए पणामं करेति, तते णं ते छ गोट्टिहा पुरिसा दवदवस्स कवाडंतरेहिंतो णिग्गच्छंति ता अज्जुणयं मालागारं गेण्हति ता अवओढगबंधणं करेति. बंधुमतीए मालागारीए सद्धिं विपुलाइं भोग० भुंजमाणा विहरंति, त० तस्स अज्जुणयस्स मालागारस्स अयमज्झत्थिए०-एवं खलु अहं बालप्पभित्तिं चेव मोग्गरपाणिस्स भगवओ कट्टाकट्टिं जाव कप्पेमाणे विहरामि, तं जति णं मोग्गरपाणिजक्खे इह संनिहिते होंते से णं किं ममं एयारूवं आवइं पावेज्जमाणं पासते?, तं नत्थि णं मोग्गरपाणी जक्खे इह संनिहिते. मुव्वत्तं तं एस कट्टे, तते णं से मोग्ग-रपाणी जक्खे अज्जुणयस्स मालागारस्स अयमेयारूवं अब्भत्थियं जाव वियाणेत्ता अज्जुणयस्स मालागारस्स सरीरयं अणुपविसति ता तडतडतडस्स बंधाइं छिंदति, तं पलसहस्स-णिप्फणं अयोमयं मोग्गरं गेण्हति ता ते इत्थिसत्तमे पुरिसे घातेति, त० से अज्जुणते मालागारे मोग्गरपाणिणा जक्खेणं अण्णाइट्टे समाणे रायगिहस्स नगरस्स परिपेरंतेणं कट्टाकट्टिं छ इत्थिसत्तमे पुरिसे घातेमाणे विहरति, रायगिहे णगरे सिंघाडगजावमहापहेसु बहुजणो अन्नमन्नस्स एवमाइक्खति०-एवं खलु देवाणु०! अज्जुणते मालागारे मोग्गरपाणिणा अण्णाइट्टे समाणे रायगिहे णगरे बहिया छ इत्थिसत्तमे पुरिसे घायेमाणे विहरति, त० से सेणिए राया इमीसे कहाए लद्धट्टे समाणे कोडुंबिय० सदावेति ता एवं व०-एवं खलु देवा०! अज्जुणते मालागारे जाव घातेमाणे जाव विहरति तं मा णं तुब्भे केती कट्टस्स वा तणस्स वा पाणियस्स वा पुप्फफलाणं वा अट्टाते सतिरं निग्गच्छतु मा णं तस्स सरीरस्स वावत्ती भविस्सति-त्तिकट्टु दोच्चंपि तच्चंपि घोसणयं घोसेह ता खिप्पामेव ममेयं० पच्चप्पिणह, तते णं ते कोडुंबिय जाव पच्च०, तत्थ णं रायगिहे नगरे सुदंसणे नामं सेट्टी परिचसति अड्ढे०, तते णं से सुदंसणे समणोवासते यावि होत्था अभिगयजीवाजीवे जाव विहरति, तेणं कालेणं० समणे भगवं जाव समोसडे० विहरति, त० रायगिहे नगरे सिंघाडग० बहुजणो अन्नमन्नस्स एव-माइक्खति जाव किमंग पुण विपुलस्स अट्टस्स गहणयाए?, एवं तस्स सुदंसणस्स बहुजणस्स अंतिए एयं सोच्चा निसम्म अयं अब्भत्थिते०-एवं खलु समणे जाव विहरति तं गच्छामि णं वंदामि०, एवं संपेहेति ता जेणेव अम्मापियरो तेणेव उवागच्छति ता करयल० एवं व०-एवं खलु अम्मताओ! समणे जाव विहरति तं गच्छामि णं समणं भगवं महावीरं वंदामि नमं० जाव पज्जुवासामि, तते णं सुदंसणं सेट्टिं अम्मापियरो एवं व०-एवं खलु पुत्ता! अज्जुणे मालागारे जाव घातेमाणे विहरति मा णं तुमं पुत्ता! समणं भगवं महावीरं वंदए णिग्गच्छाहि, मा णं सरीरयस्स तुज्झं वावत्ती भविस्सति, तुमणं इहगते चेव समणं भगवं महावीरं वंदहि णमंसाहि, तते णं सुदंसणे सेट्टी अम्मापियरं एवं व०-किण्णं अम्मयातो! समणं भगवं० इहमागयं इहपत्तं इहसमोसडं इहगते चेव वंदिस्सामि?, तं गच्छामि णं अहं अम्मताओ! तुब्भेहिं अब्भणुत्ताते समाणे भगवं महा० वंदते, त० सुदंसणं सेट्टिं अम्मापियरो जाहे नो संचायंति बहूहिं आघवणाहिं० जाव परूवेत्तते ताहे एवं व०-अहासुहं०, त० से सुदंसणे अम्मापितीहिं अब्भणुण्णाते समाणे ण्हाते सुद्धप्पावेसाइं जाव सरीरे सयातो गिहातो पडिनि-क्खमति ता पायविहारचारेणं रायगिहं णगरं मज्झंमज्झेणं णिग्गच्छति ता मोग्गरपाणिस्स जक्खस्स जक्खाययणस्स अदूरसामंतेणं जेणेव गुणसिलते चेतिते जेणेव समणे भगवं महावीरे तेणेव पहारेत्थ गमणाए, तते णं से मोग्गरपाणी जक्खे सुदंसणं समणोवासतं अदूरसामंतेणं वीतीवयमाणं पा० ता आसुरुत्ते०, तं पलसहस्सनिप्फन्नं अयोमयं मोग्गरं उट्टा-लेमाणे २ जेणेव सुदंसणे समणोवासते तेणेव पहारेत्थ गमणाते, तते णं से सुदंसणे समणोवासते मोग्गरपाणिं जक्खं एज्जमाणं पासति ता अभीते अतत्थे अणुव्विग्गे अक्खुभिते अच-लिए असंभंते वत्थंतेणं भूर्मीं पमज्जति ता करतल० एवं व०-नमोऽत्थु णं अरहंताणं जाव संपत्ताणं, नमोऽत्थु णं समणस्स जाव संपाविउकामस्स, पुव्विं च णं मते समणस्स भगवतो महावीरस्स अंतिए थूलते पाणातिवाते पच्चक्खाते जावजीवाते थूलते मुसावाते थूलते अदिन्नादाणे सदारसंतोसे कते जावजीवाते इच्छापरिमाणे कते जावजीवाते, तं इदाणिंपि तस्सेव अंतियं सब्बं पाणातिवातं पच्चक्खामि जावजीवाए मुसावायं अदत्तादाणं मेहुणं परिग्गहं पच्चक्खामि जावजीवाए सब्बं कोहं जाव मिच्छादंसणसल्लं पच्चक्खामि जावजीवाए, सब्बं असणं पाणं खाइमं साइमं चउव्विहंपि आहारं पच्चक्खामि जावजीवाए, जति णं एत्तो उवसग्गातो मुच्चिस्सामि तो मे कप्पेति पारेत्तते अह णो एत्तो उवसग्गातो मुच्चिस्सामि ततो मे तहा

पञ्चस्वाते चैवत्तिकट्टु सागारं पडिमं पडिवज्जति, त० से मोग्गरपाणिजक्खे तं पलसहस्सनिप्फन्नं अयोमयं मोग्गरं उल्लालेमाणे २ जेणेव सुदंसणे समणोवासते तेणेव उवा० ता नो चैव णं संचाएति सुदंसणं समणोवासयं तेयसा समभिपडित्तते, तते णं से मोग्गरपाणी जक्खे सुदंसणं समणोवासतं सब्बओ समंताओ परिघोलेमाणे २ जाहे नो (चैव णं) संचाएति सुदंसणं समणोवासयं तेयसा समभिपडित्तते ताहे सुदंसणस्स समणोवासयस्स पुरतो सपक्खिं सपडिदिसिं ठिच्चा सुदंसणं समणोवासयं अणिमिसाते दिट्ठीए सुचिरं निरिक्खति ता अज्जुणयस्स मालागारस्स सरीरं विप्पजहति ता तं पलसहस्सनिप्फन्नं अयोमयं मोग्गरं गहाय जामेव दिसं पाउब्भूते तामेव दिसं पडिगते, त० से अज्जुणते माला० मोग्गरपाणिणा जक्खेणं विप्पमुक्के समाणे धसत्ति धरणियलंसि सब्बंगेहिं निवडिते, त० से सुदंसणे समणोवासते निरुवसग्गमितिकट्टु पडिमं पारेति, तते णं से अज्जुणते माला० तत्तो मुहुत्तरेणं आसत्थे समाणे उट्टेति ता सुदंसणं समणोवासयं एवं व०-तुब्भे णं देवाणु०! के कहिं वा संपत्थिया?, तते णं से सुदंसणे समणोवासते अज्जुणयं माला० एवं व०-एवं खलु देवाणुप्पिया! अहं सुदंसणे नामं समणोवासते अभिगयजीवाजीवे गुणसिल्लते चेतिते समणं भगवं महावीरं वंदते संपत्थिते, त० से अज्जुणते माला० सुदंसणं समणोवासयं एवं व०-तं इच्छामि णं देवाणु०! अहमवि तुमए सद्धिं समणं भगवं महावीरं वंदेत्तए जाव पज्जुवासेत्तए, अहासुहं देवाणु०!, त० से सुदंसणे समणोवासते अज्जुणएणं मालागारेणं सद्धिं जेणेव गुणसिल्लए चेतिते जेणेव समणे भगवं महावीरे तेणेव उ० ता अज्जुणएणं मालागारेणं सद्धिं समणं भगवं महावीरं तिक्खुत्तो जाव पज्जुवासति, तते णं समणे भगवं महावीरे सुदंसणस्स समणो० अज्जुणयस्स मालागारस्स तीसे य० धम्मकहा, सुदंसणे पडिमते, तए णं से अज्जुणते समणस्स० धम्मं सोच्चा हट्टु० सहहामि णं भंते! णिग्गंथं पावयणं जाव अब्भुट्टेमि, अहासुहं, त० से अज्जुणते माला० उत्तर० सयमेव पंचमुट्टियं लोयं करेति जाव अणगारे जाते जाव विहरति, तते णं से अज्जुणते अणगारे जं चैव दिवसं मुंडे जाव पब्रइते तं चैव दिवसं समणं भगवं महावीरं वंदति ता इमं एयारूवं अभिग्गहं उग्गिण्हति-कप्पइ मे जावजीवाते छट्टंछट्टेणं अनिक्खित्तेणं तवोकम्मेणं अप्पाणं भावेमाणस्स विहरित्तएत्तिकट्टु अयमेयारूवं अभिग्गहं ओगेण्हति ता जावजीवाए जाव विहरति, तते णं से अज्जुणते अणगारे छट्टक्खमणपारणयंसि पढमपोरिसीए सज्झायं करेति जहा गोयमसामी जाव अडति, तते णं तं अज्जुणयं अणगारं राय-गिहे नगरे उच्च जाव अडमाणं बहवे इत्थीओ य पुरिसा य डहरा य महल्ला य जुवाणा य एवं व०-इमे णं मे पितामारते भाया० भगिणी० भज्जा० पुत्त० धूया० सुण्हा० इमेण मे अन्नतरे सयणसंबंधिपरियणे मारिएत्तिकट्टु अप्पेगतिया अक्कोसंति अप्पे० हीलंति निंदंति खिंसंति गरिहंति तज्जेति तालेंति, तते णं से अज्जुणते अणगारे तेहिं बहूहिं इत्थीहि य पुरिसेहि य डहरेहि य महल्लेहि य जुवाणएहि य आतोसेज्जमाणे जाव तालेज्जमाणे तेसिं मणसावि अपउस्समाणे सम्मं सहति सम्मं खमति तितिक्खति अहियासेति सम्मं सहमाणे ग्वम० तिति० अहि० रायगिहे णगरे उच्चणीयमज्झिमकुलाइं अडमाणे जति भत्तं ल्हति तो पाणं ण लभति जइ पाणं तो भत्तं न लभति, तते णं से अज्जुणते अदीणे अविमणे अकलुसे अणाइले अविसादी अपरितंतजोगी अडति ता रायगिहातो नगरातो पडिनिक्खमति ता जेणेव गुणसिल्लए चेतिते जेणेव समणे भगवं महावीरे जहा गोयमसामी जाव पडिदंसेति ता समणेणं भगवया महावीरेणं अब्भणुण्णाते अमुच्छिते० बिलमिव पण्णगभूतेणं अप्पाणेणं तमाहारं आहारेति, तते णं समणे० अन्नदा राय० पडि० बहिं जण० विहरति, तते णं से अज्जुणते अणगारे तेणं ओरालेणं पयत्तेणं पग्गहिएणं महाणुभागेणं तवोकम्मेणं अप्पाणं भावेमाणे बहुपुण्णे छम्मासे सामण्णपरियागं पाउणति, अद्धमासियाए संलेहणाए अप्पाणं झूसेति तीसं भत्ताइं अणसणाते लेदेति ता जस्सट्टाते कीरति जाव सिद्धे, अ० ३।१३। तेणं कालेणं० रायगिहे नगरे गुणसिल्लए चेतिते तत्थ णं सेणिए राया कासवे णामं गाहावती परिवसति जहा मंकाती, सोलस वासा परियाओ विपुले सिद्धे, अ० ४। एवं खेमतेऽवि गाहावती, नवरं कागंदी नगरी सोलस परिताओ विपुलपन्नए सिद्धे, अ० ५। एवं धितिहरेवि गाहा० कागंदीए ण० सोलस वासा परियाओ जाव विपुले सिद्धे, अ० ६। एवं केलासेवि गा० नवरं सागेए नगरे बारस वासाइं परियाओ विपुले सिद्धे, अ० ७। एवं हरिचंदणेवि गा० साएए बारस वासा परियाओ विपुले सिद्धे, अ० ८। एवं वारत्ततेवि गा० नवरं रायगिहे नगरे बारस वासा परियाओ विपुले सिद्धे, अ० ९। एवं सुदंसणेऽवि गा० नवरं वाणियगामे नयरे दूतिपलासते चेइते पंच वासा परियाओ विपुले सिद्धे, अ० १०। एवं पुन्नभदेवि गा० वाणियगामे नगरे पंच वासा विपुले सिद्धे, अ० ११। एवं सुमणभदेवि सावत्थीए नग० बहुवासपरि० सिद्धे, अ० १२। एवं सुपइडेवि गा० सावत्थीए नगरीए सत्तावीसं वासा परि० विपुले सिद्धे, अ० १३। मेहे रायगिहे नगरे बहूइं वासातिं परिताओ, अ० १४। तेणं कालेणं० पोलासपुरे नगरे सिरिवणे उज्जाणे, तत्थ णं पोलासपुरे नगरे विजये नामं राया होत्था, तस्स णं विजयस्स रन्नो सिरी नामं देवी होत्था वन्नतो, तस्स णं विजयस्स रन्नो पुत्ते सिरीए देवीते अत्तते अतिमुत्ते नामं कुमारे होत्था सूमाले०, तेणं कालेणं० समणे भगवं महावीरे जाव सिरिवणं० विहरति, तेणं का० समणस्स० जेट्टे अंतेवासी इंदभूती जहा पन्नत्तीए जाव पोलासपुरे नगरे उच्चा जाव अडइ, इमं च णं

अइमुत्ते कुमारे ण्हाते जाव विभूसित्ते बहूहिं दारएहि य दारियाहि य डिंभएहि य डिंभियाहि य कुमारएहि य कुमारियाहि य सद्धिं संपरिवुडे सतो गिहातो पडिनिक्खमति ता जेणेव इंदट्टाणे तेणेव उवागते तेहिं बहूहिं दारएहि य संपरिवुडे अभिरममाणे २ विहरति, तते णं भगवं गोयमे पोलासपुरे नगरे उच्चनीय जाव अडमाणे इंदट्टाणस्स अदूरसामंतेणं वितीवयति, तते णं से अइमुत्ते कुमारे भगवं गोयमं अदूरसामंतेणं वितीवयमाणं पासति जेणेव भगवं गोयमे तेणेव उवागते भगवं गोयमं एवं व०-के णं भंते ! तुब्भे किं वा अडह ?, तते णं भगवं गोयमे अइमुत्तं कुमारं एवं व०-अम्हे णं देवाणुप्पिया ! समणा णिग्गंथा ईरियासमिया जाव बंभयारी उच्चनीय जाव अडामो, तते णं अतिमुत्ते कुमारे भगवं गोयमं एवं व०-एह णं भंते ! तुब्भे जा णं अहं तुब्भं मिक्खं दवावेमीतिकट्टु भगवं गोयमं अंगुलीए गेण्हति ता जेणेव सते० तेणेव उवागते, तते णं सा सिरीदेवी भगवं गोयमं एज्जमाणं पासति ता हट्ट० आसणातो अब्भुट्टेति ता जेणेव भगवं गोयमे तेणेव उवागया भगवं गोयमं तिक्खुत्तो आयाहिणपयाहिणं वंदति ता विउलेणं असण० पडिविसज्जेति, तते णं से अतिमुत्ते कुमारे भगवं गोयमं एवं व०-कहिं णं भंते ! तुब्भे परिवसह ?, त० भगव० अइमुत्तं कुमारं एवं व०-एवं खलु देवाणुप्पिया ! मम धम्मयारिए धम्मोवतेसते समणे भगवं महावीरे आदिकरे जाव संपाविउकामे इहेव पोलासपुरस्स नगरस्स बहिया सिरिवणे उजाणे अहापाडि० उग्गहं० संजमेणं जाव भावेमाणे विहरति तत्थ णं अम्हे परिवसामो, तते णं से अइमुत्ते कुमारे भगवं गोयमं एवं व०-गच्छामि णं भंते ! अहं तुब्भेहिं सद्धिं समणं भगवं महावीरं पायवंदते ?, अहासुहं०, तते णं से अतिमुत्ते कुमारे भगवया गोतमेणं सद्धिं जेणेव समणे भगवं महावीरे तेणेव उवा० ता समणं भगवं महावीरं तिक्खुत्तो आयाहिणपयाहिणं करेति ता वंदति जाव पज्जुवासति, तते णं भगवं गोयमे जेणेव समणे भगवं महावीरे तेणेव उवागते जाव पडिदंसेति ता संजमे० तव० विहरति, त० समणे० अतिमुत्तस्स कुमारस्स तीसे य धम्मकहा, त० से अतिमुत्ते समणस्स भ० म० अ० धम्मं सोच्चा निसम्म हट्ट० जं नवरं देवाणु० ! अम्मापियरो आपुच्छामि तते णं अहं देवाणु० ! अंतिए जाव पब्वयामि, अहा० देवाणु० मा पडिबंधं०, तते णं से अतिमुत्ते जेणेव अम्मापियरो तेणेव उवागते जाव पब्वतित्तए, अतिमुत्तं कुमारं अम्मापितरो एवं व०-बाले सि ताव तुमं पुत्ता ! असंबुद्धे सि० किं णं तुमं जाणसि धम्मं ?, तते णं से अतिमुत्ते कुमारे अम्मापियरो एवं व०-एवं खलु अम्मयातो ! जं चेव जाणामि तं चेव न याणामि जं चेव न याणामि तं चेव जाणामि, त० तं अइमुत्तं कुमारं अम्मापियरो एवं व०-कहं णं तुमं पुत्ता ! जं चेव जाणसि जाव तं चेव जाणसि ?, त० से अतिमुत्ते कुमारे अम्मापितरो एवं०-जाणामि अहं अम्मतातो ! जहा जाएणं अवस्समरियच्चं न जाणामि अहं अम्मतातो ! काहे वा कहिं वा कहं वा केचिरेण वा ?, न जाणामि अम्मयातो ! केहिं कम्मायाणेहिं जीवा नेरइयतिरिक्खजोणियमणुस्सदेवेसु उववज्जंति, जाणामि णं अम्मयातो ! जहा सतेहिं कम्मायाणेहिं जीवा नेरइय जाव उववज्जंति, एवं खलु अहं अम्मतातो ! जं चेव जाणामि तं चेव न याणामि जं चेव न याणामि तं चेव जाणामि, इच्छामि णं अम्मतातो ! तुब्भेहिं अब्भणुणाते जाव पब्वइत्तते, तते णं तं अइमुत्तं कुमारं अम्मापियरो जाहे नो संचाएति बहूहिं आघव० तं इच्छामो ते जाता ! एगदिवसमवि रावसिरिं पासेत्तते, त० से अतिमुत्ते कुमारे अम्मापिउवयणमणुयत्तमाणे तुसिणीए संचिट्ठति अभिसेओ जहा महाबलस्स निक्ख-मणं जाव सामाइयमाइयाइं अहिज्जति बहूइं वासाइं सामण्णपरियागं गुणरयणं जाव विपुले सिद्धे, अ० १५ । तेणं कालेणं० वाणारसीए नयरीए काममहावणे चेतिते, तत्थ णं वाणार-सीइ अलक्खे णामं राया होत्था, तेणं कालेणं० समणे जाव विहरति परिसा०, तते णं अलक्खे राया इमीसे कहाते लद्धट्टे हट्ट जहा कूणिए जाव पज्जुवासति धम्मकहा, त० से अल-क्खे राया समणस्स भगवओ महावीरस्स जहा उदायणे तहा णिक्खंते णवरं जेट्टपुत्तं रज्जे अहिसिंचति एक्कारस अंगा बहू वासा परियाओ जाव विपुले सिद्धे, अ० १६ । एवं खलु जंबू ! समणेणं जाव छट्टस्स वग्गस्स अयमट्टे पन्नत्ते । १५ ॥ वग्गो ६ ॥ जति णं भंते ! सत्तमस्स वग्गस्स उक्खेवओ जाव तेरस अज्झयणा पं०-‘ नंदा तह नंदमती नंदोत्तर नंदसेणिया चेव । महया सुमरुत महमरुय, मरुदेवा य अट्टमा ॥ ८ ॥ भदा य सुभदा य, सुजाता सुमणातिया । भूयदित्ता य बोद्धवा, सेणियभज्जाण नामाइं ॥ ९ ॥ जइ णं भंते ! तेरस अज्झयणा पन्नत्ता पढमस्स णं भंते ! अज्झयणस्स समणेणं० के अट्टे पन्नत्ते ?, एवं खलु जंबू ! तेणं का० रायगिहे नगरे गुणसिलते चेतिते सेणिते राया वन्नतो, तस्स णं सेणियस्स रण्णो नंदा नामं देवी होत्था वन्नओ, सामी समोसठे परिसा निग्गता, तते णं सा नंदादेवी इमीसे कहाते लद्धट्टा कोडुंबियपुरिसे सदावेति ता जा णं जहा पउमावती जाव एक्कारस अंगाइं अहि-ज्जित्ता वीसं वासाइं परियातो जाव सिद्धा, अ० १ । एवं तेरसवि देवीओ णंदागमेण णेयव्वातो, अ० १३ ॥ वग्गो ७ । १६ । जति णं भंते ! अट्टमस्स वग्गस्स उक्खेवओ जाव दस अज्झ-यणा पं० तं०-‘ काली सुकाली महाकाली कण्हा सुकण्हा महाकण्हा । वीरकण्हा य बोद्धवा, रामकण्हा तहेव य ॥ १० ॥ पिउसेणकण्हा नवमी दसमी महासेणकण्हा य ॥ जति० दस अज्झयणा० पढमस्स अज्झयणस्स के अट्टे पं० ?, एवं खलु जंबू ! तेणं का० चंपा नाम नगरी होत्था पुन्नभदे चेतिते, तत्थ णं चंपाए नयरीए कोणिए राया वण्णतो, तत्थ णं चंपाए

नयरीए सेणियस्स रणो भज्जा कोणियस्स रणो चुल्लमाउया काली नाम देवी होत्था वण्णतो, जहा नंदा जाव सामातियमातियातिं एक्कारस अंगाइं अहिज्जति बहूहिं चउत्थं जाव अप्पाणं भावेमाणी विहरति, तते णं सा काली अण्णया कदाई जेणेव अज्जचंदणा अज्जा तेणेव उवागता ता एवं व०-इच्छामि णं अज्जाओ ! तुब्भेहिं अब्भणुण्णाता समाणा रयणावल्लिं तवं उवसंपज्जेत्ताणं विहरेत्तते, अहासुहं०, त० सा काली अज्जा अज्जचंदणाए अब्भणुण्णाया समाणा रयणावल्लिं उवसंप० विहरति तं०-चउत्थं करेति ता सब्बकामगुणियं पारेति (प्र० पढमंमि सब्बकामगुणियं) पारेत्ता छट्ठं करेति ता सब्बकाम० पारेति ता अट्ठमं करेति ता सब्बकाम० ता अट्ठ छट्ठाइं करेति ता सब्बकामगुणियं पारेति ता चउत्थं० सब्बकामगुणियं पारेति ता छट्ठं करेति ता सब्बकामगुणियं पारेति ता अट्ठमं करेति ता सब्बकामगु० दसमं० सब्बकाम० दुवालसमं० सब्बकाम० चोदसमं० सब्बकाम० सोलसमं० सब्बकामगु० अट्ठारसमं० सब्बकाम० वीसइमं० सब्बकामगु० बावीसइमं० सब्बकाम० चउवीसइमं सब्बकामगु० छवीसइ० सब्बकाम० अट्ठावीस० सब्बकाम० तीसइमं० सब्बकाम० बत्तीसइमं० सब्बकाम० चोत्तीसइमं० सब्बकाम० चोत्तीसं० छट्ठाइं० सब्बकामगु० चोत्तीसइमं० सब्बकाम० बत्तीस० सब्बकाम० तीस० सब्बकाम० अट्ठावीस० सब्बकाम० छवीस० सब्बकाम० चउवीस० सब्बका० बावीस० सब्बका० वीस० सब्बकाम० अट्ठारसमं० सब्बकाम० सोलसमं० सब्ब० चोदसमं० सब्बका० बारसमं० सब्ब० दसमं० सब्ब० अट्ठमं० सब्ब० छट्ठं० सब्ब० चउत्थं० सब्बकाम० अट्ठ छट्ठाइं० सब्बका० अट्ठमं० सब्बकाम० छट्ठं० सब्ब० चउत्थं० सब्बकाम० एवं खलु एसा रयणावलीए तवोकम्मस्स पढमा परिवाडी एगेणं संवच्छरेणं तीहिं मासेहिं बावीसाए य अहोरत्तेहिं अहासुत्ता जाव आराहिया भवति, तदाणंतरं च णं दोच्चाए परिवाडीए चउत्थं करेति विगतिवज्जं पारेति ता छट्ठं करेति ता विगतिवज्जं पारेति एवं जहा पढमाएवि नवरं सब्बपारणते विगतिवज्जं पारेति जाव आराहिया भवति, तयाणंतरं च णं तच्चाए परिवाडीए चउत्थं करेति ता अलेवाडं पारेति सेसं तहेव, एवं चउत्था परिवाडी नवरं सब्बपारणते आयंबिलं पारेति सेसं तं चेव,-'पढमंमि सब्बकामं पारणयं बितियते विगतिवज्जं । ततियंमि अलेवाडं आयंबिलमो चउत्थंमि ॥ ११ ॥ तते णं सा काली अज्जा रयणावलीतवोकम्मं पंचहिं संवच्छरेहिं दोहि य मासेहिं अट्ठावीसाए य दिवसेहिं अहासुत्तं जाव आराहेत्ता जेणेव अज्जचंदणा अज्जा तेणेव उवा० ता अज्जचंदणं अज्जं वंदति णमंसति ता बहूहिं चउत्थं जाव अप्पाणं भावेमाणी विहरति, तते णं सा काली अज्जा तेणं ओरालेणं जाव धमणिसंतया जाया यावि होत्था, से जहा इंगाल० सुहुयहुयासणे इव भासरासिपलिच्छण्णा तवेणं तेएणं तवतेयसिरीए अतीव उवसोभेमाणी चिट्ठति, तते णं तीसे कालीए अज्जाए अन्नदा कदाई पुव्वरत्तावरत्तकाले अयं अब्भत्थिते जहा खंदयस्स चिंता जाव अत्थि उट्ठा० तावताव मे सेयं कल्लं० जाव जलंते अज्जचंदणं अज्जं आपुच्छित्ता अज्जचंदणाए अज्जाए अब्भणुत्तायाए समाणीए संलेहणाझूसणा० भत्तपाणपडि० कालं अणवकंख० विहरेत्तएत्तिकट्ठु एवं संपेहेति ता कल्लं० जेणेव अज्जचंदणा अज्जा तेणेव उ० ता अज्जचंदणं वंदति णमंसति ता एवं व०-इच्छामि णं अज्जा ! तुब्भेहिं अब्भणुण्णाता समाणी संलेह० जाव विहरेत्तते, अहासुहं०, काली अज्जा अज्जचंदणाते अब्भणुण्णाता समाणी संलेहणाझूसिया जाव विहरति, सा काली अज्जा अज्जचंदणाए अंतिते सामाइयमाइयाइं एक्कारस अंगाइं अहिज्जित्ता बहुपडिपुन्नाइं अट्ठ संवच्छराइं सामण्णपरियागं पाउणित्ता मासियाए संलेहणाए अत्ताणं झूसेत्ता सट्ठिं भत्तातिं अणसणाते छेदेत्ता जस्सट्ठाए कीरति जाव चरिमुस्सासनीसासेहिं सिद्धा० । णिक्खेवो, अ० १ । १७ । तेणं का० चंपानामं नगरी पुन्नभहे चेतिते कोणिए राया, तत्थ णं सेणियस्स रणो भज्जा कोणियस्स रणो चुल्लमाउया सुकालीनाम देवी होत्था, जहा काली तहा सुकालीवि णिक्खंता जाव बहूहिं चउत्थं जाव भावे० विहरति, त० सा सुकाली अज्जा अन्नया कयाई जेणेव अज्जचंदणा अज्जा जाव इच्छामि णं अज्जाओ ! तुब्भेहिं अब्भणुत्ताता समाणी कणगावलीतवोकम्मं उवसंपज्जित्ताणं विहरेत्तते, एवं जहा रयणावली तहा कणगावलीवि, नवरं तिसु ठाणेसु अट्ठमाइं करेति जहा रयणावलीए छट्ठाइं, एक्काए परिवाडीए संवच्छरो पंच मासा बारस य अहोरत्ता, चउण्हं पंच वरिसा नव मासा अट्ठारस दिवसा सेसं तहेव, नव वासा परियातो जाव सिद्धा, अ० २ । १८ । एवं महाकालीवि, नवरं खुड्डागं सीहणिक्कीलियं तवोकम्मं उवसंपज्जित्ताणं विहरति, तं०-चउत्थं करेति ता सब्बकामगुणियं पारेति ता छट्ठं० सब्बकाम० चउत्थं० सब्बका० अट्ठमं० सब्बका० छट्ठं० सब्बका० दसमं० सब्ब० अट्ठमं० सब्बका० दुवालसं० सब्ब० दसमं० सब्बका० चोदसं० सब्बकाम० बारसमं० सब्बका० सोलस० सब्ब० चोदसं० सब्ब० अट्ठारसं० सब्बकाम० सोलसमं० सब्बका० वीस० सब्ब० अट्ठार० सब्ब० वीसइ० सब्ब० सोलसमं० सब्ब० अट्ठार० सब्बका० चोदसं० सब्ब० सोलस० सब्ब० बारस० सब्ब० चोदसं० सब्ब० दसमं० सब्बका० बारसमं० सब्बकाम० अट्ठमं० सब्ब० दसमं० सब्बका० छट्ठं० सब्ब० अट्ठमं० सब्ब० चउत्थं० सब्ब० छट्ठं० सब्बकाम० चउत्थं० सब्ब० तहेव चत्तारि परिवाडीओ, एक्काए परिवाडीए छम्मासा सत्त य दिवसा, चउण्हं दो वरिसा अट्ठावीसा य दिवसा जाव सिद्धा, अ० ३ । १९ । एवं कण्हावि नवरं महालयं सीहणिक्कीलियं तवोकम्मं जहेव खुड्डागं नवरं चोत्तीसइमं जाव णेयव्वं तहेव ऊसारेयव्वं, एक्काए वरिसं छम्मासा अट्ठारस य दिवसा, चउण्हं छव्वरिसा दो मासा बारस य अहोरत्ता, सेसं जहा कालीए जाव सिद्धा, अ० ४ । २० । एवं सुकण्हावि णवरं सत्तसत्तमियं भिक्खुपडिमं उवसंपज्जित्ताणं विहरति, पढमे सत्तए एक्केकं भोयणस्स (१२८)

दत्ति पडिगाहेति एकेकं पाणयस्स दोच्चे सत्तए दो दो भोयणस्स दो दो पाणयस्स पडिगाहेति तच्चे सत्तते तिन्नि भोयणस्स तिन्नि पाणयस्स च० पं० छ० सत्तमे सत्तते सत्त दत्तीतो भोयणस्स पडिगाहेति सत्त पाणयस्स, एवं खलु एयं सत्तसत्तमियं भिक्खुपडिमं एगूणपच्चाते रातिंदिएहिं एगेण य छन्नउएणं भिक्खासतेणं अहासुत्ता जाव आराहेत्ता जेणेव अज्ज-चंदणा अज्जा तेणेव उवागया अज्जचंदणं अज्जं वं० न० ता एवं वं०-इच्छामि णं अज्जातो ! तुच्चेहिं अब्भणुण्णाता समाणी अट्टमियं भिक्खुपडिमं उवसंपज्जित्ताणं विहरत्तते, अहासुहं०, तते णं सा सुकण्हा अज्जा अज्जचंदणाए अब्भणुण्णाया समाणी अट्टमियं भिक्खुपडिमं उवसंपज्जित्ताणं विहरति, पढमे अट्ठए एकेकं भोयणस्स दत्ति पडि० एकेकं पाणयस्स जाव अट्ठमे अट्ठए अट्ठ भोयणस्स पडिगाहेति अट्ठ पाणयस्स, एवं खलु एयं अट्ठट्ठमियं भिक्खुपडिमं चउसट्ठीए रातिंदिएहिं दोहि य अट्ठसीतेहिं भिक्खासतेहिं अहा जाव नवनवमियं भिक्खुपडिमं उवसंपज्जित्ताणं विहरति, पढमे नवए एकेकं भोयणस्स दत्ति पडि० एकेकं पाणयस्स जाव नवमे नवए नव नव द० भो० पडि० नव नव पाणयस्स, एवं खलु नवनवमियं भिक्खुपडिमं एकासीतीराइंदिएहिं चउहिं पंचोत्तरेहिं भिक्खासतेहिं अहासुत्ता०, दसदसमियं भिक्खुपडिमं उवसंपज्जित्ताणं विहरति, पढमे दसते एकेकं भोय० पडि० एकेकं पाण० जाव दसमे दसए दस दस भो० दत्ती पडिगाहेइ दस दस पाणयस्स०, एवं खलु एयं दसदसमियं भिक्खुपडिमं एकेकं राइंदियसतेणं अट्टछट्टेहिं भिक्खासतेहिं अहासुत्तं जाव आराहेति ता बहूहिं चउत्थजावमासद्वमासविविहतवोकम्मैहिं अप्पाणं भावेमाणी विहरति, तए णं सा सुकण्हा अज्जा तेणं ओरालेणं जाव सिद्धा०। अ०५, निक्खेवो। २१। एवं महाकण्हावि णवरं खुड्डागं सब्बओभइं पडिमं उवसंपज्जित्ताणं विहरति, चउत्थं करेति ता सब्बकामगुणियं पारेति ता छट्ठं० सब्बकाम० अट्टमं० सब्बका० दसमं० सब्बका० दुवालसमं० सब्ब० अट्टमं० सब्बका० दसमं० सब्बका० दुवाल० सब्ब० चउत्थं० सब्बका० छट्ठं० सब्बकाम० दुवालस० सब्ब० चउत्थं० सब्ब० छट्ठं० सब्बकाम० अट्टमं० सब्बका० दसमं० सब्बकाम० छट्ठं० सब्ब० अट्टमं० सब्बका० दसमं० सब्ब० दुवालसमं० सब्बका० चउत्थं० सब्बका० दसमं० सब्ब० दुवाल० सब्बकाम० चउत्थं० सब्ब० छट्ठं० सब्बकाम० अट्टमं० सब्बकाम० एवं खलु एवं खुड्डागसव्वतोभइस्स तवोकम्मस्स पढमं परिवाडिं तिहिं मासेहिं दसहिं दिवसेहिं अहासुत्तं जाव आराहेत्ता दोच्चाए परिवाडीए चउत्थं० विगतिवज्जं० जहा रयणावलीए तहा एत्थवि चत्तारि परिवाडीतो पारणा तहेव, चउण्हं कालो संबच्छरो एक्को मासो दस य दिवसा सेसं तहेव जाव सिद्धा०। निक्खेवो अ०६। २२। एवं वीरकण्हावि नवरं महालयं सब्बतोभइं तवोकम्मं उवसंप० विहरति, तं०-चउत्थं० सब्बकामगुणियं० छट्ठं० सब्बका० अट्टमं० सब्ब० दसमं० सब्बका० दुवालसमं० सब्ब० चोइस० सब्ब० सोलसमं० सब्बकाम० दसमं० स० दुवाल० सब्ब० चउदसं० सब्ब० सोलसं० सब्ब० चउत्थं० सब्ब० छट्ठं० सब्ब० अट्टमं० सब्ब० सोलसं० सब्ब० चउत्थं० सब्ब० छट्ठं० सब्ब० अट्टमं० सब्ब० दसमं० सब्ब० दुवाल० सब्ब० चोइस० सब्ब० अट्टमं० सब्ब० दसमं० सब्ब० दुवालसं० सब्ब० चोइसमं० सब्ब० सोलसमं० सब्ब० चउत्थं० सब्ब० छट्ठं० सब्ब० चोइस० सब्ब० सोलसमं० सब्ब० चउत्थं० सब्ब० छट्ठं० अट्टमं० सब्ब० दसमं० सब्ब० दुवाल० सब्ब० छट्ठं० सब्बका० अट्टमं० सब्बकाम० दसमं० सब्ब० दुवाल० सब्ब० चोइसमं० सब्ब० सोलसमं० सब्ब० चउत्थं० सब्बकाम० दुवाल० सब्बकाम० चोइसमं० सब्ब० सोलसमं० सब्बकाम० चउत्थं० सब्ब० छट्ठं० सब्ब० अट्टमं० सब्बकाम० दसमं० एकेकाए लयाए अट्ठ मासा पंच य दिवसा चउण्हं दो वासा अट्ठ मासा वीसं दिवसा सेसं तहेव जाव सिद्धा०, अ० ७। २३। एवं रामकण्हावि नवरं भदोत्तरपडिमं उवसंपज्जित्ताणं विहरति, तं०-दुवालसमं० सब्बकाम० चोइसमं० सब्ब० सोलसमं० सब्ब० अट्टार० सब्ब० वीसइमं० सब्ब० सोलसमं० सब्बकाम० अट्टार० सब्बकाम० वीसइमं० सब्ब० दुवालसमं० सब्बकाम० चोइसमं० सब्ब० वीसतिमं० सब्ब० दुवालसं० सब्ब० चोइसमं० सब्बकाम० सोलसमं० सब्ब० अट्टारसं० सब्ब० चोइसमं० सब्ब० सोलसमं० सब्बकाम० अट्टारसमं० सब्ब० वीसइमं० सब्बकाम० दुवालसमं० सब्ब० अट्टारसमं० सब्बकाम० वीसतिमं० सब्बकाम० दुवालसमं० सब्ब० चोइसमं० सब्ब० सोलसमं, एक्काये० कालो छम्मासा वीस य दिवसा, चउण्हं कालो दो वरिसा दो मासा वीस य दिवसा, सेसं तहेव जहा काली जाव सिद्धा, अ० ८। २४। एवं पितुसेणकण्हावि नवरं मुत्तावलीतवोकम्मं उवसंपज्जित्ताणं विहरति० तं०-चउत्थं० सब्ब० छट्ठं० सब्ब० चउत्थं० सब्ब० अट्टमं० सब्ब० चउत्थं० सब्बका० दसमं० सब्ब० चउत्थं० सब्ब० दुवाल० सब्ब० चउत्थं० सब्ब० चोइसमं० सब्ब० सोलसमं० सब्ब० चउत्थं० सब्ब० अट्टारसं० सब्बकाम० चउत्थं० सब्बकाम० वीसतिमं० सब्ब० चउत्थं० सब्ब० बावीसइमं० सब्बकाम० छवीसइमं० सब्बकाम० चउत्थं० सब्बकाम० अट्टावीसं० सब्बकाम० चउत्थं० सब्बकाम० तीसइमं० सब्बकाम० चउत्थं० सब्बकाम० बत्तीसइमं० सब्बकाम० चउत्थं० सब्बकाम० चोत्तीसइमं० एवं तहेव ओसारेति जाव चउत्थं करेति ता सब्बकामगुणियं पारेति, एक्काए० कालो एक्कारस मासा पनरस य दिवसा चउण्हं तिण्णि वरिसा दस य मासा सेसं जाव सिद्धा, अ० ९। २५। एवं महासेणकण्हावि, नवरं आयंबिलवड्डमाणं तवोकम्मं उवसंपज्जित्ताणं विहरति, तं०-आयंबिलं करेति० चउत्थं० वे

आयंबिलाइं० चउत्थं० तिन्नि आयंबिलाइं० चउत्थं० चत्तारि आयंबिलाइं० चउत्थं० पंच आयंबिलाइं० चउत्थं० छ आयंबिलाइं० चउत्थं० एवं एकोत्तरियाए वड्ढीए आयंबिलाइं
 वड्ढंति चउत्थंतरियाइं जाव आयंबिलसयं० चउत्थं०, तते णं सा महासेणकण्हा अज्जा आयंबिलवड्ढमाणं तवोकम्मं चोइसहिं वासेहिं तीहि य मासेहिं वीसहि य अहोरत्तेहिं अहासुत्तं
 जाव सम्मं काएणं फासेति जाव आराहेत्ता जेणेव अज्जचंदणा अज्जा तेणेव उवा० वं० न० ता बहुहिं चउत्थ जाव भावेमाणी विहरति, तते णं सा महासेणकण्हा अज्जा तेणं ओरालेणं
 जाव उवसोभेमाणी चिट्ठइ, तए णं तीसे महासेणकण्हाए अज्जाए अन्नया कयाई पुव्वरत्तावरत्तकाले चिंता जहा खंदयस्स जाव अज्जचंदणं पुच्छइ जाव संलेहणा, कालं अणवकंख-
 माणी विहरति, त० सा महासेणकण्हा अज्जा अज्जचंदणाए अज्जाए अं० सामाइयाइयातिं एक्कारस अंगाइं अहिजित्ता बहुपडिपुन्नातिं सत्तरस वासातिं परियायं पालइत्ता मासियाए संले-
 हणाए अप्पाणं झूसेत्ता सट्ठिं भत्ताइं अणसणाए छेदेत्ता जस्सट्ठाए कीरइ जाव तमट्ठं आराहेति चरिमउस्सासणीसासेहिं सिद्धा बुद्धा०। 'अट्ट य वासा आदी एक्कोत्तरियाए जाव सत्तरस।
 एसो खलु परिताओ सेणियभज्जाण णायच्चो ॥ १२ ॥ एवं खलु जंबू! समणेणं भगवता महावीरेणं आदिगरेणं जाव संपत्तेणं अट्टमस्स अंगस्स अंतगडदसाणं अयमट्ठे पं०। २६ ॥' अन्त-
 गडदसांगं समत्तं। अंतगडदसाणं अंगस्स एगो सुयखंधो अट्ट वग्गा अट्टसु चैव दिवसेसु उदिसिज्जंति, तत्थ पढमबितियवग्गे दस दस उद्देसगा तइयवग्गे तेरस उद्देसगा चउत्थपंचमवग्गे
 दस दस उद्देसया छट्ठवग्गे सोलस उद्देसगा सत्तमवग्गे तेरस उद्देसगा अट्ठमवग्गे दस उद्देसगा सेसं जहा नायाधम्मकहाणं। २७। इत्युत्कीर्णमष्टमाङ्गं श्रीसिद्धाद्रितलहट्टिकागममन्दिरे २४६८